

# SALT

“Scripture Application & Leadership Training”

*SALT I Outlines*  
***SALT I Outlines***

**(Revision 3)**



**THE SALT PROJECT**

## **SALT Topic Outlines**

	<i>Page</i>
<b>GOD &amp; PEOPLE .....</b>	3
1. How Do We Pursue Truth? .....	4
2. God Loves Us Like a Good Father.....	6
3. What God is Like .....	8
4. What God's Actions Are Like .....	10
5. How Do We Develop Friendship with God? .....	12
6. God Made Us With a Design and Purpose .....	14
7. God's Laws of Love .....	15
 <b>SATAN &amp; SIN .....</b>	 17
8. Who is Satan and What Are His Strategies? .....	18
9. Why Do We Sin? .....	20
10. What is the Result of Our Sin? .....	22
 <b>SALVATION .....</b>	 23
11. We See God's Grace in Salvation .....	24
12. What is Salvation? .....	25
13. What Are the Marks of a Christian? .....	26
 <b>CHRISTIAN LIFE &amp; LEADERSHIP .....</b>	 28
14. This is How to Overcome the Enemy .....	29
15. Why Do We Need To Be Holy? .....	31
16. How Do We Break Sinful Habits? .....	33
17. Why Should We Forgive? .....	35
18. How Do We Live As a Christian Family? .....	38
19. Preparing and Presenting Messages .....	40

***NEGUR ADO TAMO  
KAYAU***

## ***Lesson 1: ADA NAIG MOMOI ANĨ TAMIRĒF?***

**Kisi odug:** Tamo kayau ganan, dogo neid mata ibodōya anĩ, dogo neid momoiya bun dinodig, tamo kayau tunĩ anĩ keleĩ be, tunĩ anĩ keleĩ sã. Ada neda mata ibodōya anĩ Negur nẽ momoi bun ibodōf nigin, ereb ada momoi taudig anĩ Negur nẽ momoi bagai bun es tafouf bagai. Jesus ĩ dogol kũ fenēya sã bun tenebur ein iyon!

A. Aim momoi anĩ ado, aim idegēya anĩ ado?

1. Momoiya sã anidi idegēya momoiya musei nigin momoi dedig. Rom 1: 18 [2 Tesalonika 2: 9-11; Sam 14: 1]
  2. Pol, momoiya tamo kayau Kolosi bun dibodōdig idi tenebur nẽ kisim to didegnēdiyout nigin irokenēdif. Anĩ nigin, Kristen tamo kayau idegēya od (kũ fenēya momoiya) nigin momoi def anĩ isennēdiya nigin kisi feleya. Kolosi 2: 8 [1 Jon 2: 26]
  3. Negur ĩ, Negur yana yaleseya tamo kayau “Uur ado Momoi” bun Negur yana yaleseya anĩ orodig. Jon 4: 23-24
  4. Ada atīya nẽ Kristen tamo kayau wowā ta fen, ada Negur ĩ aibya anĩ nigin idegēya ado kũ fenēya anĩ tator ken, momoi anĩ taledig. Kolosi 1: 10 [2 Pita 3: 18]
  5. Momoiya tamo kayau Negur nẽ od, are Baibel bun momoi anĩ tamir ken, fai tafouf bagai. Anĩ bun, ada neda kũ fenēya ado idegēya anĩ tator ken, momoi anĩ taledig.
- B. “Agog fen, ã momoi anĩ keleĩ youf, momoi anim kafī fiya bun tamal yalelneif.” Jon 8:32
1. Momoiya sã tamo kayau kafī fiya bun tamal yalelnēdiya sã, ere nigin, idi idegēya momoiya ado.
  2. Momoiya tamo kayau idi, kel yalediya sain anĩ bun fau idegēya momoiya musei ado, age de di, idegēya momoiya anidim kafī fiya bun dinenēdidig.
  3. Atīya nẽ momoiya tamo kayaug idegēya momoiya ado, Jesus dogol kũ fenēya sã.
- C. Negur nẽ momoi yaleya anĩ odug biya, ere nigin, kisi anĩ bun tamal yagon kaū anĩ wõ yedig.

Warumutei	<b>→</b>	Aa	<b>→</b>	Faat
Kisi	<b>→</b>	Kisi yenēya	<b>→</b>	Ereb age fiya

1. Negur nigin neda momoiya anim ada naig mata tabodok anĩ uyu iroudig, are aa nẽ warumutei anim yagon faat inodig gen.
2. Naab uru anĩ dibodok:
 

Momoi	<b>→</b>	Karika ibodōya	<b>→</b>	Biya ibodōya	<b>Jon 10: 10</b>
Idegēya	<b>→</b>	Kafī fiya bun ibodōya	<b>→</b>	Morō bun ibodōya	<b>2 Tesalonika 2: 9-12</b>

  - a. Ada ganan, tamo kayau daū fiya nẽ mata ibodōya bun dibod ken, dogo daū difedidig anidi ado tamo kayau idi geid difaredig anidi taledig. (aa posta 1 bun ima kilē ifaref)
  - b. Sain ada momoi tau fen, Kristen wõ tauf anĩ bun, ada fau Negur nigin ado Negur ĩ naig tamo kayau nigin age fedig nigin idegēya momoiya musei anĩ nigin momoi taudig. (aa posta 1 bun atun ifaref)
  - c. Atīya nẽ Kristen Baibel bun keleĩ yale fen, idegēya od musei itor ken, momoi nẽ od anĩ yaledig, anĩ ere, ĩ fau idegēya momoiya tunĩ Negur nẽ od bun tamal momoi anim dogo neid modoū yalouf nẽ anidi adodig (aa posta 1 bun ima biyalē

ifaref). Aib takam to keleĩ madur bagai, are idegẽya momoiya sã anĩ ibodõya sã, are Negur yogo bun dogol.

3. Tamo kayau mugu mugu falei difouf are, musei falei fiya kisi feleyauf:
    - a. Tamo taka biya od bunem ĩ falei fiyẽyauf.
    - b. Idi tunĩ biya od anĩ wogõ difiyeid fen, idi ereb ereb ganan bun Odug dõ difiyẽf nigin tai difediyouf. Enei anĩ dõ fiya tar inenẽdiya dedig. Matyu 28: 18-20
    - c. Dõ fiya tar tunĩ Odug dõ difiyẽf nigin disennẽdiyouf.
  4. Baibel eig fediya bun, to fiya eig fediya anidi nigin solog urõgouf:
    - Baibel od enei anĩ, momoi be Jesus keleĩ youf nigin ere od wogõ yef?
    - Ereb Baibel od enei bun ibodok anĩ nigin, naig fe ogon mata ibodõya nẽ toboununã fire ouf?
    - a. Jon 8: 32
    - b. Jon 14: 6
    - c. Hosia 4: 6
    - d. [Galesia 5: 7-10]
    - e. [Jon 8: 44-45]
- D. Momoi Anĩ nẽ Gariya: *Momoi anĩ ereb ibodok anĩ kũ fenẽya sã faded fiya anĩ. Are ereb ereb idi naig fiya bagai difaref anĩ!*
- E. Momoi anĩ keleĩ youf nigin Baibel bun keleĩ yaleyauf
1. Keleĩ yaleya nigin waũ unouf. [Aposel 17: 10-11] (Berea tamo kayau gen)
  2. Kabĩ totol walouf. [2 Timoti 2: 15] (kabĩ tamo momoi anĩ nigin kabĩ tutuk yalouf)
  3. Baibel anĩ odug biya. [2 Timoti 3: 16-17] (Negur nẽ Itotoya ganan are Negur awa uur neseya bunem)
  4. Awa Uur Fateul ĩ isennõf. [Jon 16: 13] (Momoi nẽ Awa Uur, momoi nẽ anĩ ganan bun, im itoneif)
  5. Karĩya biya tamo anidi ufelnẽdiyouf, ago di, idi bagam tunĩ ifelnẽdiya kisi feleyauf. 2 Timoti 2:2
- F. Negur nẽ Momoi anĩ kelei ken, ogon mata ibodõya bun to dõ wouf, are waila ado.
1. Kisi biya are Momoi anĩ ogon mata ibodõya bun dõ fiya anĩ.
  2. Ereb Jesus fõ inoya nẽ keleĩ tamo neneya tamo ado nigin wogõ yef anĩ ulouf. Matyu 7: 24-27

## Lesson 2: NEGUR TAMA BIYA GEN ADA NIGIN WAU LAA FEDIG

**Kisi odug:** Lesson enei bun kisi odug are Negur nē tama gen yogen gere tar nigin kulatun fiya ado, yogen gere tar geid uyu kū fiya nigin yogen oroya anī. Negur ī, tenebur nē tama tar anī Saa Tano nē Tama nigin malakanon gen inon. Tenebur enei nē tama tar, Negur nigin neda keleī tutuk to difanadadig. Naig ta fe fen, Negur nigin neda keleī tutuk sā anī madur tafouf? Enei are idegēya momooya Lesson 1 bun tailedin anidi taka, are madur tafouf nē anī.

A. Negur Dei wau laa fiya odug bunem ada nigin wau laa fedig (Posta 2a)

1. 1 Jon 3: 1
2. Jon 15: 9-10,12

*Note: In the posters of this workbook the figure of the heart ♥ is used to represent two different things. In Poster 2a it means love. In Posters 9a and 9b the heart represents the inner person (liver, stomach, bel bilong yu).*

- B. Tama nē kabī anī, Negur Dei ī naig fiya anī, yogen gere tar ifelneid fen, tai fediyouf. Efesus 6: 4 [1 Tesalonika 2: 10-12; Diuteronomi 6: 7]
- C. Tama be sina nē ereb age fiya to biya tunī (NOTE: Kel yaledaya sain anī bun, ada neda uyu iroudiya anidi tailedig gen Negur tailedig. Ada Negur nigin keleī tutuk talouf are, Negurem neda ī nigin keleī tutuk sā anī madur fediyouf nigin modoū tafenēf bagai)
1. Tama seye yedig – sain ganan ada nigin wau sanedig
  2. Tama tai fiya ifenēya sā – ī ereb ereb ganan ada to tafiyek anī ifanadadig, ereb ada yaleya nigin dodok fiya sā anīg ifanadadig.
  3. Tama gerō ifaref – kabī yei ye fen, ī neda lau fiya ado morō nigin to kisi fedig
  4. Tama ereb biya bagai dogol orodidig – ada ī wau al fiya ifenēya kisi feleya sā
- D. Ada naig tafe fen, Negur nigin neda keleī tutuk sā are neda tenebur nē tamada tar bun tamal talen anī madur tafouf? Ada Baibel bun keleī yaleya bunem idegēya momooya anī madur tafe. (Posta 2b)
1. Luk 15: 11-32 bun, ada Negur ī naig fiya bagai anī tailef.
    - a. ī ada nigin wau laa fedig bagai
    - b. ī neda mosor nigin weder tu keleya anī orodig
    - c. ī ada tari fadadig
    - d. ī neda mosor nigin wauda gudū fiya nigin wau al fedig
    - e. ī ada nigin to bagai weder tu kalauf
    - f. ī ada nigin wau yūya ado wau ifenēya ado
  2. Rom 8: 15 bun, ada ī anī “Aba” Dei iweignēya kisi feleya anī tailef
- E. Luk 15: 11-32 bun, Dei nē tobonunā anī naig fiya tailef?
1. ī ere anī age fen?
  2. ī naig fen?
- F. Luk 15: 11-32 bun, kesu matu ī, yogen tura nē kel isiya nigin ereb age fen anī, tama ī nigin ereb age fen anī ado, naig fiya fire fire?
- G. Ō Negur nigin kisi naig wof? Ō ī nigin seyeya, tai fiya ifenēya sā, gerō ifareya be, ereb biya bagai dogol orodidig gen kisi wof? Wau laa fiya Jesusem Luk 15 bun wogō yef, are ada nigin Negur nē wau laa fiya ō kisi wodig anī ado susu fef de? Age fiya sāf are, Luk 15 ganan uwes fen, ere nigin Jesus nenerī anī iron anī nigin kisi wouf.

- H. Negur ī tama biya gen ada nigin wau laa fedig.
1. Negur ada igirnadan. 1 Pita 2: 9 irok “Anī ere, ā tamo kayau Negurem igirnein...”
  2. Negur ada yogon gere tar yaledan. Rom 8: 15-17 irok, are Kristen tamo kayau Negurem yaledin...idi ereb el fiya biya Negur ifenēdiyout nigin promis od iron anī dalouf...idi Kristus ado weim ereb el fiya biya Negur ifenēdiyout nigin promis od iron anī dalouf.
  3. Wau laa fiya anī tai fiyag adodig. Hibru 12: 7-11 irok, are ada morō anī tai fadaya gen talouf, ere nigin, kesu tar bagai ganan tai fedidig.
  4. Negur ada iledadadig. [Sam 139: 13-16] Anī bun od enei age ye irok "...ō aya neu sinau bou namen iwaf..."
  5. Negur megeir sā anidi kulatun fedidig. [Sam 68: 5] “Ī temeid sā anidi neid temeid, waab neid isennēdiya...”
  6. Negur ada nigin to weder tukelef. [Asaia 49: 14-16] “Sina yogon momou su ifenēya nigin weder tukeleya kisi feleya sā...”
  7. Negur ogon mata ibodōya nigin kisi ado. [Jeremaia 29: 11-13] “Ere nigin, aya ō nigin, neu kisi anī keleī...”
  8. Negur ō nigin wau fatuk bagai al fedig. [Sefanaia 3: 17] “...ī yogon wau laa fiya bunem ō mutū inenōf... ī seg bunem ō nigin wau al fouf”

*Note: This workbook is designed to provide additional study for individuals or groups. Therefore, some sections may not be covered in the course. Also the Bible and outline sections inside [brackets] are sections that provide additional study. It is recommended that individuals and groups use these for further understanding and encouragement. Also, do not neglect public reading of the Bible, as Paul told Timothy 1 Tim. 4:13. Also where you see three dots (...) this means there is more to the passage than is shown.*

### ***Lesson 3: NEGUR Ī NAIG FIYA***

**Kisi odug:** Lesson enei bun, ada Negur nē tobonunā naig fiya anī tailauf, Negur nē tobonunā are gai gai ibodōya, ereb ereb ganan kare fiya, megeir ganan nē, keleī ganan nē, modoū ganan bun ibodōya, malam ileya kisi feleya sā ado, tamo mugu mugu ado uyu kū fiya oroya. Lesson enei bun, ada ereb Negur nē Itotoya Negur nē tobonunnā Trinity dedig anī nigin irok anī tailauf. Negur ī tekelei, are towo bun; Inglis od nem enei are Trinity dedig. Enei are kisi odug, ere nigin, tamo neid mala fire fire musei momoya nigin kū difef anidi, Negur nigin kisi enei bun kū difen.

#### **A. Negur ī Odug fen Megeir Bagai. Ada enei to keleī youf are, ada kū fenēya bun telef.**

- Jesus Negur nē megeir nigin wogō yen. Matyu 22:29
  - Ada idi Negur mala bun difaref anidi Negur aniniya ado yana difenēdig anī tailedig. Rev. 15: 3-4 [Baibel eig fediya buneg: 1 Tim. 1: 17; Rom. 11: 33-36; Sam 96: 5-10; Sam 104: 31-33; Asaia 40: 12-18]
  - Ada Negur ī odug biya anī tailedig. Rev. 1: 12-18 [Aposel 4:31; Asaia 6: 1-5; Eksodas 33: 18-23]
1. Negur ī mata faimud ibodkeleya: (Posta 3a)
    - a. ī bun gariya inoya sā, idikeleyag sā. Rev. 22: 13 [Rev. 1: 8; Sam 90: 2-6; Sam 93: 2]
    - b. ī ereb ereb ganan kare fedin nē tama, ī takam to kare fiyen. Kolosi 1: 15-16 [Jon 1: 1-3; Jenesis 1: 1]
  2. Negur ī bun idikeleya sā (sisi fiya kisi feleya sā)
    - a. ī megeir barikā bagai; ī ereb ereb ganan age fiya kisi feleya.
      - “Sain Abram nainti-nain yar mata ibod mog, Odug ī mala bun wō ye fen, iron, ‘Aya Negur Megeir Barikā Bagai; Malau bun uyo ken, kū fenēya sā bun ubodōf.”” Jenesis 17: 1
        - (1) Rom. 1: 20
        - (2) [Matyu 19:26] (ereb ereb ganan Negur bun kisi feleya)
        - (3) [OT Examples: Josua 10:12-13 (Josua); 2 King 20:9-11; (Hesekaia); Eksodas 14:21-31 (Moses)]
        - (4) [NT Examples: Luk 8:22-24; Luk 11:14-20; Luk 5:17-26; Aposel 1:8; Matyu 28:18-19]
      - b. Negur ī ereb ereb ganan keleī; ī ereb ereb ganan keleī nē anī keleī. Rom 11:33-34
        - [1 Korin 1: 25; Hibru 4: 13; Sam 139:17-18]
      - c. ī ereb ereb ganan bun ibodok. ī ereb ereb ganan iledif; ī ereb ereb ganan bun sain ganan ibodok.
        - (1) Sam 139: 7-12; Hibru 4: 13
        - (2) [Jeremaia 23: 23-24 (ayam saa ado teneub ganan bun to abodok de?)]
        - (3) [OT Example: Jona 1: 3, 2: 1-2a]
  3. Negur takam ileya kisi feleya sā; ī anī Uur. Jon 6: 46 [Jon 1: 18; Kolosi 1: 15, 19; Hibru. 1: 3; Jon 4: 24]
  4. Negur ī tamo mugu mugu nigin kisi fedig; ī neda wauda, neda kisi ado, neda oboida geid uyu kū fiya yalouf nigin orodig. Mak 1: 11

#### **B. Negur ī Tekelei, anī ere, ī towo. (Posta 3b)**

1. Jesus eig fiya nē yana bunem naan digunēdiyouf nigin yogen dō fiya tar irokenēdin: Matyu 28: 19

- a. Dei
  - b. Naal
  - c. Awa Uur Fateul
2. Negur ī tekelei ado towo anī nigin faded fiya. Negur ī towo anī nē ifelnēya anī Baibel musei bun ibodok. Jesus yogon Tama nigin wogō yef sain ganan bun, ī Negur ī towo anī momoi yedig. Hibrus 1: 5-9 bun, Negur Dei ī yogon Naal nigin wogō yef. Vers 8 bun ī irok:
- “Ogon king nē sia, O Negur, mata faimud gai gai ibodkalauf...” Hibrus 1: 8
- Vers enei bun Negur Dei ī, Jesus ī Negur yef! Enei anī momoi odug biya; Tamo kayau neid guru fiya musei momoi enī ditoron anidi, Negur ī towo nē momoi anī bun kū difenen anī bunem gariya dino fen, kū difenēdig.
3. OT nē Faded Fiya:
- A. Karīg, O Israel: Odug (Jehovah) neda Negur (Elohim, plural) ī Odug tekelei (Jehovah) Diuteronomi 6: 4
  - B. Agef fen, Negur iron, “Ada maladakanon dō tafe fen, tamo kare tauf...” Jenesis 1: 26
  - C. [Jenesis 3: 22 Agef fen, Odug Negur iron, “Tamo anī biya ado sane kelei ken, gama ada gen wō yel.”]
  - D. [Jenesis 11: 7 “Gama tenebur tasil fen, idi dogo tutur to karī douf nigin dogo neid od ekul fiya bun tanenēdiyouf.”]
  - E. [Asaia 6: 8 “Age fe di, aya Odug nē ait eig ye irō mog, karī aun, ‘Ai anī sur afiyēf? Aim anī amā nigin ilauf?””]


4. NT nē Faded Fiya:

- a. Matyu 28: 19 bun Jesus irok: Anī nigin, ā, teneub ganan bun, tamo kayau ganan bun uleg fen, neu dō fiya tar unenādigouf, Dei yana nem, Naal yana bunem, Awa Uur Fateul yana bunem, idi naan ugunēdigouf. Vers enei, Asaia 48: 11 ado es gouf.

“...Aya neu fula fiya medeīya anī tamo taka bun to anouf.” Asaia 48: 11

- Negur ī fula fiya medeīya yogon anī taka bun to inouf. Anī nigin, sain Jesus Dei, Naal ado, Awa Uur Fateul nē yana bunem naan digunēdiyouf nigin wogō yen, eneidi towo are ganan Negur ya anī yaoref. “...yana bunem” anī nē gariya are ‘yogon totol ado tobounā bunem.’
- b. Jesus nē naan igūya sain bun: Dei ado Awa Uur Fateul naan igūya anī megeir difef, idi towo ganan an dibodok. Matyu 3: 16-17
  - c. Jon sapta 13 ado 14 bun, Jesus Negur ya nigin wogō yef.
    - (1) Jesus iron, are ī itornēdif, anī ere, idi gama ī dō fiyēya kisi feleya sā. Jon 13: 36
    - (2) Filip iron: Tamada ufelnamā, Jesus solof iron: õ aya uleyan are Dei ulen. Jon 14: 8-9
    - (3) Aya Dei arokenē di, ī Isenneīya taka ifeneīf. Jon 14: 16-17
    - (4) Isenneīya, Awa Uur Fateul anī, Deim aya yanau nem sur fouf. Jesus irokenēdin, are Isenneīya enei anī Awa Uur Fateul. Jon 14: 26
    - (5) “...amā [Jesus ado Dei] ī gein masi, weim mabodōf.” Jon 14: 23 Uruwa bun, enei are susu feleya sā gen tailef.
      - (a) Jesus iron, “Aya atorneik, baban Dei garan kelauf.”
      - (b) ī Dei ado tobounēid tekelei
      - (c) Dei ī taka sur fiyēf
      - (d) Taka enei are Awa Uur Fateul

- (e) Amā (Jesus ado Dei), taka Dei nigin wau laa gef̄i ado weim mabodōf. Enei are, Dei, Naal ado, Awa Uur Fateul to tekelei youf are, susu feleya sā, ere nigin, sain Awa Uur Fateul ī momooya tamo bun isif, Negur towo ganan an dibodok.
- d. Negur ī Towo anī naab eig fediya towo bun bagu felef: Jon 17:11, 21-23 (...eig fediya bun amā tekelei...)
- (1) *Gariya*
  - (2) *Megeir*
  - (3) *Wau Laa Fiya*



## ***Lesson 4: NEGUR Ī NAIG FEDIG***

**Kisi odug:** Negur nē tobonunā musei ganan (Lesson 3) are ada nigin kisi feleya sā (ada Negur gen tutur uyu kū fiya yaleya kisi feleya). Anī ere, ada neda Odug Jesus Kristus nē wau ifenēya ado keleī bun odugouf nigin karī tauf (2 Pita 3:18). Ada Negur nē tobonunā dō tafe fen, age tafedig, are wau laa fiya bunem age tafedig (1 Korin 13:13; Jems 2:8; Jon 15:12). Negur nē tobonunā nigin neda keleī anī, neda momooya nē iyōya nigin odug biya.


**A. Negur ī wau laa fiya.**

1. Negur ereb ereb ganan wau laa fiya bunem age fedig. 1 Jon 4: 8, 16 [Jon 3: 16-17]
2. Wau laa fiya are taka nigin biya bagai age fedig anī. Filipai 2: 3-8 [1 Korin 13]
  
3. Negur Towo mugu mugu wau laa fedig.
  - a. Dei: Jon 3: 16 [1 Jon 4: 10-11; Rom 5: 5; Rom 8: 39; 2 Korin 13: 14; 1 Jon 2:15]
  - b. Jesus: Jon 15: 9 [Efesus 3: 17b-19; 2 Korin 5: 14; Rom 8: 35]
  - c. Awa Uur Fateul: Rom 5: 5 [Rom 15: 30; Galesia 5: 22]

**B. Tamo kayau Negur nē tobonunā wau laa fedig anī dō difouf bagai. Efesus 5: 1-2 [1 Korin 13; 1 Korin 16: 13-14; 1 Jon 4: 8]**

**C. Naab Negur nē Wau Laa Fiya Yaoredig**

1. Negur nē wau laa fiya bunem, Yogan tobonunā mugu mugu bun yaoredig.
2. Negur ī anī:
  - a. Momoi: ereb ereb idi naig fiya bagai anī wogō yedig. Jon 14:16-17 [Jon 1:14; Jon 8:42-46; Sam 89: 34]
  - b. Kisi Biya: Wau laa fiya bun Yogan keleī kabī ifenēdig. Jems 3:17 [Mak 6: 2; 1 Korin 2: 7-8; Jeremaia 51: 15]
  - c. Madur Bagai: faimud ereb madur bagai anī age fedig. Hibru 1: 8-9 [2 Tesalonika 1: 5-7; Rom 2: 5; Diuteronomi 32: 4]
  - d. Wau Yūya: idi to biya nigin wau yūya yaleya kisi feleya sā anidi wau yūya ifenēdidig. Efesus 2: 4-5 [Taitus 3: 5; Jems 5: 11; Sam 86: 5]
  - e. Dō Fiya Biya: falei fiya sā bun dō fiya biya Jems 1:17; 2 Timoti 2:13 [Asaia 49:14-16; 1 Tesalonika 5: 23-24; 1 Korin 1: 9]



**D. Efesus 5:1 bun, ada Negur madē tafiyēf nigin irokanadaf**

1. Ada Negur ereb ereb ganan bun ibodōya anī madē tauf nigin kisi feleya de? Sā.
  2. Ada Negur ereb ereb ganan keleī anī madē tauf nigin kisi feleya de? Sā.
  3. Naig tafe fen, ada Efesus 5:1 anī dō tafouf? Ada Negur ya anī madē tauf nigin kisi feleya sā; ada Negur nē tobonunā madē tauf nigin age tafouf.
- E. Ereb Negur age fedig anī nē gariya are Yogan Wau Laa Fiya. Enei are Yogan tobonunā nē kaū. Yogan kisi biya, wau yūya, madur bagai, dō fiya biya ado, momoi anidi ganan Yogan fateul ya bunem bagu fedif. Enei ganan are Negur nē kisi feleya bagai. Ī tamo kayau ado uyu kū fediyouf nigin orodig, ere nigin, ī yogo ibod ken, uyu kū fedig. ī yogo ibod ken, Fateul nigin, Yogan wau yūya anī Yogan madur bagai ado susu felef. ī neda mosor nigin weder tu keledig, are tobonunā eneidi ganan Negur nē fateul kisi feleya bagai bun kabī yaledig anī nigin.
- F. Negur ī Fateul 1 Jon 1:5
1. Fateul ya are wau laa fiya kisi feleya bagai kabī yalef. Jems 3: 17
  2. Fateul ya are firen ifaref, oo fire tenebur nē gen sā Efesus 4: 24
  3. Fateul ya are od sā, oo karētut. Efesus 1: 4 [1 Pita 1: 14-16; Sam 24:3-4]
  4. Negur ī fateul gen, ada fateul tabodōf nigin iweignadaf. Hibru 12:14; Matyu 5:48
  5. Anī ere, ī ada namedan age fouf nigin promis od irok. 2 Timoti 2: 13; 1 Tesalonika 5:23-24
  6. Ada falei tafouf nigin Negur ado weim kabī talef. Filipai 2: 12-13; Rom 8: 28-29; Negur ado weim kabī yaleya are karika, Jesus age yef: Matyu 11: 28-30. Kabī enei karika youf nigin, uruom delē tekelei bun dī difouf bagai.

## ***Lesson 5: NAIG TAFE FEN ADA NEGUR GEID TOTŌ TASAUF?***

**Kisi odug:** Ada Negur ado uyu kū fiya talouf nigin orodauf are, ada kosēya ado Baibel iweseya bun kabī talouf bagai. Lesson enei, neda naa ganan nē Baibel iweseya ado kosēya bunem, Negur ado uyu kū fiya talouf nigin naig tafouf nigin ifelnadaf.

**A. Negur ado uyu kū fiya anī talouf nigin ada kare fadan.**

1. Jesus Negur ado uyu kū fiya enei nigin wogō yef. Jon 15:13-15, 17 [Jems 2: 23; Matyu 11: 19; Sam 25: 14; Eksodas 33: 11]
2. Jesus nē mata ibodōya anī ulogouf (I Negur nē oroya kisi falauf nigin isin). Jon 5: 19, 30; 6: 57; 8: 28; 12: 49; 14: 10; Mak 1: 35
3. Maria ado Marta ulogouf: Luk 10: 38-42

**B. Eneidi bunem ada uyu kū fiya taledig. (Posta 5a points 1 & 2)**

1. *Ada kosēya bun Negur ado wogō taudig* (Posta 5b – detail point 1)
  - a. Ada Wauda Yukeleya nē toboununā adouf: Matyu 6: 5-6 mala yaleya sā anī nē toboununāg adouf: Matyu 6: 7
  - b. Ere anī kosēya bun ibodō? Matyu 6: 9-13 [Luk 11: 2-4]
    - (1) Negur yana yaleseya (vs. 9)
    - (2) Yogo nigin es fiya ado taka nigin kosēya (vs. 10)
    - (3) Ereb ereb nigin to fediya (vs. 11)
    - (4) Wau faleiya ado mosor nigin weder tukeleya (vs. 12)
    - (5) Uur nē kusī bun wal fiya (vs. 13)
    - (6) Kosēya bun ereb odug bagai anī, ereb uyu kū fiya bun gen, neda mala yaleya sā nē toboununā anī. Sam 139: 4-13
2. *Naab Negur ada wogō fadaf.* (Posta 5c – detail point 2)
  - a. Uyu kū fiya are wogōya ado karīya bunem wō yedig: Jon 10: 27
  - b. Naab tunī Negur wogō yef:
    - (1) *Baibel* 2 Timoti 3: 16-17 [Sam 119: 105]
    - (2) *Ait namenem wō yef, ereb wau bun wō yef* Aposel 8: 29
    - (3) *Momoiya biya tamō kayau neid kisi biya anī umirēgouf* Aposel 8: 34-35
    - (4) *Ereb ereb wō yef* 1 Korin16: 8-9
    - (5) *Ereb ada to tailedig anī wō yef: engel, mala seleulā kurā fiya/imīya, uris.* Aposel 5: 19-20 Aposel idi kalabus bun tamal yalisnēdin  
Aposel 10: 9-16 Pita Negur bun tamal mala seleulā kurā fiya yalen  
[Luk 2: 9-10 Engel Kristus nē wōya nigin wogō den]  
[Aposel 16: 25-30 Pol ado Sailas kalabus bun tamal yalisnēdin]  
[Aposel 12: 5-11 Pita memelik gen kalabus bun tamal yalisnen]  
[Aposel 9: 3-4 Saa ilunem ait taka Pol irokenen]  
[Eksodas 3: 2 Odug nē engel aa balai duri ado an yā bale namen, Moses bun wō yen]  
[Namba 22: 28, 32 Negur Balam nē donki bunem wogō yen]
    - (6) *Namen wau borū fiya ado wau inosiya* Filipai 4: 6-7; 2 Korin 2: 12-13
  - c. Enei es gouf: Ereb ereb ganan Negur wogō yef anī Baibel ado susufef. Are Baibel ado to susufef, are Negurem to wogō yef anī momoi gouf. Aposel 17: 11; Jems 1:17
3. *Negur nē Od foinenem kisi gouf* (Posta 5a point 3)
  - a. Sam 1: 1-3 [Josua 1: 8]
  - b. Foinenem kisi gouf anī nē gariya, ere? Filipai 4: 8 [Kolosi 3: 16-17] ('Odug nē yana bun,' anī nē gariya are, 'Yogon toboununā dō fiya bun')
  - c. Naig ge fen, ã foinenem kisi gouf?

- (1) *Awa Uur Fateul momoi anī kurō feis fen, ā foinenem kisi gouf nigin wauī bun oroya ifeneīf nigin to wiyēgouf.* Negur nē Od nigin kisi gouf nigin sain walogouf. Jon 16: 13; Jon 5: 39
  - (2) *Ā aug eig fediya nigin to gouf:*
    - (a) Od enei Negur nigin ere anī irokanaf?
    - (b) Enei anī naig fe fen, aya bun kabī yalouf? Enei anī ītāfiya, promis od be, weder irouya od de?
4. *Yana Yaleseya (Posta 5a point 4)*
- a. Ai nigin yana yaleseya? Ada Negur, ī aib ya ado ereb ī age fen nigin de tafiyēdig.
  - b. Yana yaleseya are od maug dogol sā, are mata ibodōya nē tobonunā. 1 Tesalonika 5: 16-18
  - c. Yana yaleseya bun, ada tunī nigin naig tafe f anīg ibodok. Matyu 12: 7; Matyu 5: 23-24
  - d. Yana yaleseya nē kaū: wau laa fiya, dō fiya ado, Negur nigin kabī yaleya.

### C. Ada naig tafouf?

1. Baibel nē verse taka (Sam 23), Negur ado uyu kū fiya nē gariya gen kosē gouf. Example: “Odug ī neu sipsip lo fiya tamo.” Negur, õ anī neu Sipsip Lo Fiya Tamo. Ō aya kulatun wanaf nigin kisi totol waledig – õ faimud ereb ereb ganan aya lau afef anī wanadig. Aya naab madur kū afen ken, fasikor afef are, õ faimud aya dō wiyaf. Ō wau laa fiya bunem ogon imā bun aya waleya fen, uyōdig. Ō aya nigin imatkesiya bun kulatun wiyadig...
2. Ereb ereb nigin Negur uyu irouf anī nigin kosē gouf nigin uub nē kosēya plan unogouf (kisi falauf are, utotogouf). Example - Monday: ibor; Tuesday: neu tā tar; Wednesday: sios; Thursday: neu kantri; Friday: teneub ganan (oo kantri ā kisi gef).
3. Filipai 4: 6-7 nigin foinenem kisig fen, ereb Negur irok anī utotogouf.
4. Negur bun wau laa fiya nē pas utotogouf.

## ***Lesson 6: NEGUR Ī KISI ADO GARIYA ADO FEN ADA KARE FADAN***

**Kisi odug:** Lesson enei are, ere nigin Negur ada kare fadan ado ere nigin ada ī bun odug biya anī ifelnadaf. Ada Negur nē malakanon bun kare fadan: kisi, oroya, wau ado, ereb biya be sane keleī. Negur, ada ī ado tamo kayau geid wau laa fiya nē uyu kū fiya talouf nigin, naab enei bun ada kare fadan.

- A. Ada Baibel bun Negur eig fediya ado anī keleī:
  - 1. Kisi Jenesis 1: 1 (kisi bunem kare fiya wō yef)
  - 2. Oroya (ereb biya be sane anī es fe fen dō fiya) Jenesis 6: 7
  - 3. Wau yenēya Jenesis 6: 6
- B. Negur iro ken, **kare fedin:** gaa, ogō, barisa, teneub, owōbē, maaī, gaar! ī od dogol bunem anidi kare fedin.

Negur iron: "Lalan!" Age ye di, lalan wō yen. Negur lalan are biya anī ile fen, gugum bun tamal firen inenen. Negur lalan yana yun, are Naa, ī gugum yana yun, are Bō. Are aragau di, are bonimei—Naa Namba Wan. Negur iron: "Owōbē! Are naan atun; naan bun tamal naan firen ibodōf!" Negur saa kare fen. ī owōbē naan ilun ibodok anī bun tamal naan owōbē farumen ibodok firen inenen. Age fe di, are agef wō yen: ī owōbē yana yun, are Saa Ilun; Are aragau di, are bonimei—Naa Namba Tu. (Jenesis 1:3-8 MSG)

- C. Anī ere, Negur tenebur aas bun tamal tamo 'kare fen', agef fen, ī tamo nē siri tuwa bun tamal kayau kare fen. Enei ifelnadaf, are Negur tamo kayau nigin kisi odug ado fen, kare fedin anī.

NEGUR tenebur aas bun tamal TAMO karefen, mata ifenēya nē neseya tamo nē uyu ku bun wese fen. Tamo anī mata fā yen—mata ibodōya nē malakanon! (Jenesis 2:7 MSG)

NEGUR age fe di, Tamō mulā burā yenen. Tamō mulā burā yen mog, NEGUR tamō nē siri tuwa taka yalel fen, tuwa ibodon nē modoū anī bun bouwa inon. Agef fen, NEGUR siri tuwa taka Tamō bun tamal yalen anī bunem Kayau karefen, Kayau anī Tamō mala bun ifelnen. (Jenesis 2:21-22 MSG)

Negur iron: "Amā nemā malamākanon bun tamō kare mauf, idi nemā tobonunā difelnēdiyouf nigin kare mafediyouf, Are idi maaī bun gau, saa ilun ninā, bulmakau ado, Teneub ado, ereb ereb gaar ganan Tenebur doyōdig anidi kulatun difediyouf nigin." (Jenesis 1:26 MSG)


- 1. Ada Negur nē malakanon bun kare fadan. Jems 3: 9
- 2. Tamō ado kayau are ereb ereb kare fedin atun odug bagai. Jenesis 1: 26-28
- D. Negur tamō, kisi, oroya, wau ado kare fen:
  - 1. Kisi (kisifef ya nē megeir) Filipai 1: 9
    - a. Ada neda kisi bunem kisi yaleya nigin kisi ifanadadig.
    - b. Ada neda kisi bunem ereb ereb mata anī kare tafedig.
    - c. Ada ereb ada ifelnadaf anī, tunī tai tafediyouf ado tafelnēdiyouf nigin, Negur ada kisi ifanadan.
    - d. Ada tunī geid wogōya ado kariya talouf nigin, Negur ada od wogōya nē megeir ifanadan.
    - e. Ada neda ereb biya be sane yaleya bun Negur ada uyu irouf nigin, ada es fiya nē kisi ifanadan. Rom 2: 14-15
    - f. Ada Negur keleīf nigin, Negur ada Negur nigin kisifef ya anī ifanadan. Rom 1:18
  - 2. Oroya (ereb biya be sane igir ken age fiya nē megeir) Filipai 1: 10

- a. Anī nē gariya: *Ada neda age fiya nigin igirīya nē megeir.*
  - b. Ada uyu kū fiya talouf nigin igirīya nē megeir adouf bagai. Matyu 7: 7-8
  - 3. Wau: wau al fiya, wau gudū fiya, wau kulīya, wau morō, kumīya, seyeya anī yaleya nē megeir. Filipai 4: 4,7
- E. Kisi, oroya ado, wau idi weim kabī daledig. Kolosi 3: 15-16 (verse enei bun ulogouf; “āgenei wauī bun” are wau nigin irok, “kisi biya” are neda kisi tafef ya nigin irok, “ifelnēdiya ado weder irouya” are neda oroya bunem ereb biya igirīya nigin irok)
- 1. **Wau laa fiya are taka nigin ereb biya bagai anī igirīya. Are oroya nē igirīya.** Matyu 22: 37-40; Matyu 10: 41-42
  - 2. Ada eneidi ado nigin, ada Negur yaleya be itorōya nigin kafī fiya sā.
    - a. Ada Negur itorōya kisi feleya. Rom 1: 21
    - b. Ada Jesus Kristus nigin momoi tauf be sā be anī, ada bun ibodok. Rom 3: 22
  - 3. Negur bun taka nigin dogol anī kināu ya sā: tamo, kayau, ibor be. Galesia 3:26-29
- F. Ere nigin Negur ada kare fadan?
- 1. Are ada, Negur ado tunī geid uyu kū fiya biya bagai bun tabodōf nigin. Aposel 4: 32-33, Kolosi 1: 3-4
  - 2. Ī neda mata ibodōya nigin gariya ado. Efesus 2: 10
  - 3. Tamo kayau are Negur mala bun odug bagai. Jon 3:16; 1 Pita 1:17-19
  - 4. Negur, ada mugu mugu Yogan mala bun odug bagai kare fadan. Kristen ganan uur nē ege luwa de tekelei be anī wal fiya ifenēdin. Ege luwa enei are ada tunī aruneid talouf nigin, anī nigin, ada ganan, neda Kristen nē mata ibodōya bun atīya wōya kisi tafalauf. Efesus 1:13; 1 Korin 12: 7 [1 Pita 4: 10; 1 Korin 12: 7-11]

## ***Lesson 7: NEGUR NĒ WAULAA FIYA NĒ LO***

**Kisi odug:** Ada Negur nē fateul keleif nigin, Negur Lo ifanadan. Lo eneidi, naig tafe fen, ada Negur nē kisi kilei tabodōf anīg irokanadaf. Naab enei bun mata tabodōf are, ada nigin biya fen, Negur wau kulī youf.

- A. Jesus sain taka bun, ere ītāfiya anī ītāfiya ganan atun odug bagai de fen, to difiyen. Yogan soloф irōya are Matyu 22: 36-40 bun ibodok.
- B. ītāfiya Ten anī, ada naig mata tabodōf anī ifelnadauf nigin ifanadan. Eneidi are daū ada bun wau inosiya irou isif. Eksodas 20: 1-7
  - (1) ītāfiya eneidi, ada naig Negur wauda laa fiya tafenēf nigin ifelnadaf.
    - (a) Ketem Negur nigin wau laa fiya
    - (b) Idegēya waitou sā
    - (c) Negur yana yana yaleseya sā bun wogōya sā
    - (d) Sabat Naa dō fiya
  - (2) ītāfiya eneidi, ada naig neda tā tar wauda laa fiya tafenēdiyouf nigin ifelnadaf.
    - (a) Sina tama yeneid talesauf
    - (b) Tamo yukesiya sā
    - (c) Seseirā inoya sā
    - (d) Bē yaleya sā
    - (e) Idegēya od wogōya sā
    - (f) Taka nē safina ile to oroya
- C. ītāfiya Ten anī, Lo ganan atun tunī dogol. Ol Testament bun, 613 lo ibodok (Rabi nē Lo).
- D. Jesus idi ītāfiya nē kaū bagai to kelein anī ifelnēdin:
  1. Ó ogon turā to oroyōf are, Ó namba sigis ītāfiya ufodulen: tamo to ukeis. Matyu 5: 21-22
  2. Namba sewen ītāfiya, seseirā to uno, ifodulūya anī, namen oroya dogol bunemeg wō yef. Matyu 5: 27-28
  3. Lo iron, Ó ogon gen nē tā tar nigin waū laa fouf [Levitikas 19: 18], Juda neid itotoya (Baibel sā) iron, are ogon yenēya nigin waū laaf fen, ogon kiwai to oroyōf. Jesus anī madur fen, ī irokenēdin, are idi nedī kiwai tar nigin waud laa fouf, anī dogol sā, idi nigin kosē douf, yen. Matyu 5: 43-44
- E. Negur ada kare fadan, are ada:
  1. Negur nigin wauda laa fe di, Negurem ada nigin wau laa fouf nigin: Matyu 22: 37-38
  2. Neda tā nigin wauda laa fouf nigin: Matyu 22: 39-40
- F. Aib taka ī Lo ganan dōf fen, tekelei dogol bun kubū yef are, ī Lo ganan ifodulūya nē mosor ado. Jems 2: 10 (Sen ganan atun, masak ain ganī gudū fouf are, sen gaū to biya yaleya nigin kabī to yalouf?)



- G. Negur nē lo, ada naig Negur nē oroya kilei bagai mata tabodōf nigin irokanadaf.
- H. Jesus iron, “Aya Lo anī kisi afalauf nigin asin.” – Ī Lo nē madur bagai anī kisi felen.  
Matyu 5: 17; Jon 8: 46
- I. Jesus irok, are õ Lo dō fiya kisi feleya nigin nab taka sā. Are momoi, Lo anī ada ulum irouf nigin ibodok, are Negur nē fateul ifelnadauf nigineg ibodok. Ada lo dō fiya bunem mata kel yaleya to talef, mata kel yaleya are:
  1. Momoiya bunem ada mata kel yaleya talef. Efesus 2: 8-9
  2. Mata kel yaleya are ege luwa. Taitus 3: 5-6
  3. Ada mosor tanof nigin kaffi fiya sā de? Rom 6: 15-18 [Rom 5: 1-6]
  4. Ere anī ada dō tafebagai? Jon 15: 12, 17
  5. Ada momoiya tamo kayau wō tauf are, ada naig Negur nē naab tayōf? Galesia 3: 2-3
  6. Baban ada karī tauf: “Tamo kayau madur bagai anī momoiya bunem mata dibodōf”, Galesia 3: 11 irok, are momoiya tamo kayau (tamo kayau madur bagai) momoiya bunem diyōf (mata dibodōf)!
  7. Ada kaffi fiya sā bun tayōf nigin karika talen. Galesia 5: 1
  8. Kusī anī bure de? Sā. Galesia 5: 16-18 [Rom 7: 15, 19; Filipai 3: 12-14]
  9. Ada naig tafe fen, kusī enei wal tafiyēf? Lessons 14 ado 16, enei nigin katō fouf.
- J. Od tekelei anim lo ganan irouf: WAU LAA FIYA. Rom 13: 8-10 [1 Korin 13]
  1. **Wau laa fiya are takā nigin ereb biya bagai anī igirīya. Are igirīya.** Matyu 22: 15-21
  2. Wau laa fiya anim darau sā ifenēf, daū fiya sā anī ifenēf be. Example: Sain õ dagi ado, dokta ī sut ifonok, are darau ifonok, anī ere, ī õ isennok, daū fiya ifonōya sā. Hibru 12: 5-6, 11
  3. Jesus irokanadan, are ada neda kiwai tar nigineg wauda laaf fen, kosē tauf bagai. Matyu 5: 44-45

K. Negur nē isennēya bunem dogol, ada enei age fiya kisi feleya. Jon 15: 4

# *SATAN & MOSOR*

## ***Lesson 8: AI ANĨ SATAN, ERE ANĨ YOGON GANAN?***

**Kisi odug:** Ifelnẽya enei Satan nẽ gariya ado naab nigin faded fef. Are eig fediya nigin faded fef; ai anĩ Satan, nainenem ĩ isin, neda mata ibodõya nigin yogon kisi sane ado, kisi anĩ kisi falauf nigin naab ĩ age fedig.

### A. Ai anĩ Satan, ere anĩ yogon ganan? (Posta 8a)

1. Satan ĩ Negurem kare fiyen, yogon aya aya yeya anim age fe di, ĩ yogon modoũ ilun bun tamal kubũ yen. Esekiel 28: 14-15, 17 [Revelesen 12: 7-9]

Õ lo fiya nẽ serubim igirnon, ere nigin, I ñ age fiya agirnon. Õ Negur nẽ arei fateul bun ubodon; õ meein ganan yã adodo atun uyõdig. Õ kare yon sain bunem ogon naab bun od sã ubodok ule, õ bun ereb sane ailen... Ogon waũ ogon meli bagai nigin aya aya yeya wale fen, ogon fula fiya nigin ogon kisi biya anĩ sanelen. Anĩ nigin, aya õ tenebur arãyon; Aya king neid mala bun õ afelnëdin. Esekiel 28:14-15, 17

- a. Negur Satan mala yã yaleya, modoũ biya, yana, kafĩ fiya sã ado kare fiyen. Satan yogon kare fiyëya Negur kiwai ifenëf nigin igir ken, kafĩ fiya sã Negurem ifenen anĩ sane age fouf nigin kabĩ ifenen.
  - b. Satan ĩ sain enei nẽ waitou, sain enei are teneub sanelen enei. 2 Korin 4: 4 [*Íg teneub enei nẽ king dedig: Jon 12: 31; Jon 16: 7-11*]
  - c. Satan daũ fediyouf ado sosoin fediyouf nigin imirek: 1 Pita 5: 8
  - d. Satan nẽ naab tako anĩ kumĩ ifenëya: 2 Timoti 1: 7
2. Satan ĩ idegëya nẽ tama: Jon 8: 44 (Posta 8b)
    - a. Satan ĩ yogo lalan nẽ engel gen nawa yaledig: 2 Korin 11:14
      - (1) Gau ĩ yãf nigin orof, age fe di, amou gau yaleya nẽ huk bun ibodok anim yõ nẽf nigin gau mala yalef kisi fiyek. Anĩ ere, sain gau amou yãf are, ĩ huk bun yalen.
      - (2) India bun, idi sõ bun ku naal dale fen, monki daledig, malũ be sen anĩ bun dino fen, sõ namen meein nanaal tunĩ dinodig. Monki tako isi fen, ĩ ereb ibodok anĩ ileya orof bagai, anĩ nigin, ĩ meein yalouf nigin sõ namen ima inof. Sain ĩ ima inof, ĩ yogon ima ku naal bun tamal yaleleya nigin kisi feleya sã. Gama ĩ yalen, firen ileya kisi feleya sã, ere nigin, sõ anĩ aa bun difon, agef fe di, monki ĩ laa foufeg, ĩ meein anĩ to itorõf.
      - (3) Gaũ kuĩ modoũ medir bagai bun ibodõdig. Gaũ kuĩ yaleya tamo dimig tako waila ado ais namen mûfef dogol. Agef fen, ĩ naud tunĩ waila bun inof. Gaũ kuĩ anĩ isi fen, naud dimig bun ibodok anĩ seum fef. ĩ naud seum fe mog, ĩ yogon bale gudûfef. Gama ĩ yogon naud yoko. ĩ yogon naud isif bunem laa fef.
    - b. Mosor sain ganan kor nẽ huk, irouya nẽ sen, bouwada gudûfiya nẽ waila ado. Rom 6:23 [Galesia 6:1; Hibru 12:1]
    - c. Satan ereb ereb biya Negur kare fedin anĩ falei fedidig. Age fe di, ada ereb ereb biya anĩ to biya bun kabĩ tafenëdi di, idi daũ fiya nẽ kabĩ daledig.

<b><i>Example</i></b>	<b><i>Biya bun kabĩ ifenëya</i></b>	<b><i>Mosor nigin sane bun kabĩ ifenëya</i></b>
Tamo kayau ado bouweid bagu fiya	Tamo kayau ado bagu fedin anidi atun dogol	Tamo kayau ado bagu fiya sã mog, bouweid bagu fiya, noli toboununã, seseirã inoya
Moni	Neda lau fiya kisi falauf nigin ifenëya	Moni nigin wau laa fiya, tako nẽ safina nigin mala ile oroya, kabĩ kisi falauf nigin moni ifenëya

3. Eig fediya are ada nigin Satan nē kisi:
  - a. Satan ereb ereb biya Negur ifanadan anī bē yaleya, yukesiya ado, daū fediya nigin orof. Jon 10: 10 (Ein **bē tamo** anī Satan ado yogon dō fiya tar nigin irok.)
  - b. Satan teneub enei nē tamo kayau idegnēdidig. Revelesen 12: 9
- B. Satan neda lau fiya anī kabī bun ifen ken, ada kor bun inouf nigin orodig. (Posta 8c)
  1. Tamo bouwa nē oroya: nolī tobununā, naan, saaf yōya nigin tobununā to biya: 1 Jon 2: 16
  2. Mala ile oroya: safina, moni, ereb ereb safina nigin mala ile oroya. 1 Jon 2: 16 [1 Timoti 6: 9-10]
  3. Ereb ī ado, ereb ī agefef nigin yogo yana yaleseya – megeir ado yana: 1 Jon 2: 16
  4. Kumī: Matyu 10: 28
  5. Ibor ado mou tar atun fara fiya: Jems 3: 9-10. *Satan uyu kū fiya daū souf nigin orodig.*
  6. Momoiya tamo kayau atun fara fiya: Jems 3: 14-18. *Satan uyu kū fiya daū souf nigin orodig.*
    - a. Sios tekelei nē momoiya tamo kayau atun fara fiya.
    - b. Sios tunī neid momoiya tamo kayau atun monēya ado waud tekelei sā. Jems 4: 11-12; Kolosi 3: 12-15
    - c. *Satan uyu kū fiya daū souf nigin orodig. Ī mosor nigin weder tukeleya, komo fiya ado wau tekelei nē kiwai. Ō ai geidef?*
- C. Negur ada nigin dumen ilauf nē kisi biya ado.
  1. ““Ere nigin, dumen ilauf nē kisi aya õ nigin ado anī aya keleī”, Odug irok, ‘nil nē kisi are õ biya ineyōffen, to daū yōf, nil nē kisi are waū iseya ado biya nē nil ifonōf.’” Jeremaia 29:11
  2. Aim kusī wal fouf? Rom 8: 37-39

### **Lesson 9: ERE NIGIN ADA MOSOR TANODIG?**

**Kisi odug:** Lesson enei tamo kayau dogo neid aya dogol yeya bunem Negur nē lo to dō difedig anī nigin katōf fen, tamo wau mosor bun ibodōya nigin faded fef. Tamo kayau, idi nigin Negur nē kisi wal difedig nigin, idi daū fiya nē kaū daleig.

**A. Kristus ī Farisia tamo neid mala yaleya tobonunā nigin idi isisnēdin. Itotoya eig fediya bun, ere naab bun idi mala yaleya tobonunā adodig?**

1. Matyu 23:1-13
2. Matyu 23:15-17
3. Matyu 23:27-28

**B. Farisia Tamo ado Takis Yaleyā Tamo neid Nenerī. Luk 18:9-14**

1. Ere nigin Jesus nenerī enei wogō yen, ai bun ī wogō yen? (verse 9)
2. Ere anī nigin Farisia tamo Negur de fiyen? (verses 11-12)
3. Ere anī takis yaleya tamo Negur wogō fiyen? (verse 13)
4. Ere anī Jesus nē yaab od nē kaū? (verse 14)

**C. Tamo nē wau anī ereb ereb age fiya ganan nē gariya. (Posta 9a)**

1. Tamo ereb yogen wau bun tamal isif anī bunem sane ledig, are ereb yogen sigor bun ilef bunem sā: Mak 7: 17-23
2. Negur tamo nē wau iledig, dogo neid mayaren to iledig. Luk 16: 14-15
3. Aa biya ado aa sane nē yaab od: Luk 6: 43-45
  - a. Ogon mata ibodōya nē Odug are Negur → Faat biya
  - b. Ogon mata ibodōya nē Odug are ogo → Faat sane

**D. Ada taka ī Negur dōfef ado taka ī age fiya sā anī nē wau tailef: (Posta 9b)**

1. Ein ada mosor bouwa nē tobonunā tailef. Galesia 5: 19-21
  - a. Bē yaleya
  - b. Idegēya
  - c. Kisi sane
  - d. Tamo yukesiya
  - e. Bou yūya od wogōya
  - f. Fō fiya
  - g. Safina nigin mala ile oroya
  - h. Name nameya
  - i. Seseirā inoya
  - j. Noli tobonunā
  - k. Bilāya
  - l. Aya aya yeya
  - m. Neneya
2. Ereb sane age fediya ganan namenem isi fen, tamo amuyē ifenēdig. Mak 7: 23
  - Enei are mosor nē kaū.
3. Age fiya ban, ada Awa Uur Fateul nē faat adouf bagai. Galesia 5: 22-26

## E. Mugu mugu foinenem kisif fen, kosē gouf. Eig fediya bunem kosē gouf:

**Example 1:** Baibel bunem kosēya nē example.

### Baibel:

Sam 23: 1 “Odug ī neu sipsip lo fiya tamo, aya lau fiya sā bun abodōf.”  
Sam 23: 2 “Ī age fe di, aya fisir biya bun ainek; ī aya naan dē yesileya bun  
uyu irouf,”  
Sam 23: 3 “ī neu malaukanon uruwa bun ibodon gen biya inenek.  
Ī yogo yana nigin ye fen, aya madur bagai nē naab bun ulum irouf.”  
Sam 23 tobol fef...

### Sam 23 anī kosēya bun falei fiya nē example:

Sam 23: 1 Odug, õ neu sipsip lo fiya tamo anī aya keleī  
Aya lau fiya sā, lau fiya taka sā,  
Sam 23: 2 Ō wau inosiya ado wau morō sā bun aya urou usiyaf,  
Sam 23: 3 Ago fen, õ neu malaukanon wau filolō fiya bun unof...

**Example 2:** Efesus 3: 16-18 nigin ogon Baibel ulouf.

**Efesus 3: 16-18 anī kosēya bun falei fiya nē example:** Odug, aya ogon fula  
fiya medeīya nē kisi feleya ado wau ifenēya bunem to ayok, are õ ogon Awa  
Uur bunem megeir wanauf nigin, anī bunem, neu wau ado mata ibodōya  
ganan bun, Kristus ibodōf. Takag, aya kosē auf, are õ ago di, ogon waū laa  
fiya aya bun totol ibod ken, anim ereb ereb ganan age afef anī ulum irou di,  
waū laa fiya neu Odug ado Kel Yaleyə Tamo Jesus Kristus, õ aya nigin ado  
anī, odug naig be fiya, meluk, ilun ado, namen naig be fiya anī aya keleī youf  
nigin.

### Baibel eig fediyyag ulouf:

1. Sam 139: 23-24
2. Sam 51
3. Efesus 3: 16-21
4. Rom 8: 28-29
5. Rom 8: 37-39
6. Jon 6: 37-40
7. Filipai 2: 5-11
8. Filipai 4: 4-7

## ***Lesson 10: ERE ANĨ NEDA MOSOR NĒ KAŪ?***

**Kisi odug:** Tamo kayau dogo nigin Negur nē kisi wal difef nigin, idi daū fiya nē darau dalef. Lesson enei, tamo namen nē kisi madur anĩ odug, mayarẽ ereb age fiya biya dogol odug sā anĩ nigin to fef.

A. Mata ibodõya bun naab uru ibodok.

1. Naab taka Negur bun uyu irouf
2. Are taka naab daū fiya bun uyu irouf. Daū fiya bun ileya nē naab ulouf.
  - a. Satan neda lau fiya bun kisi fiya ifanada fen, ada daū fadauf nigin orodig. Rom 1: 21-23, 29-31 (Posta 10a)
    - (1) Idi Negur nigin wa difef anidi: Rom 1: 21
    - (2) Dogo neid waud gugm bun ile fen, sane anĩ dōfef Rom 2:8
    - (3) Sane ado gugum nigin wau laa fiya Jon 3: 19
    - (4) Daū fiya Filipai 3:18-19 [1 Korin 13: 1-3]
  - b. Kristen tamo kayaug kaū sā nē mata ibodõya kisi feleya. Efesus 4: 17 [Efesus 5:8; 1 Pita 2:16; Efesus 5: 15; takag, Jon 6:37, 40, 47; Jon 3:16-18; Efesus 1:5; Rom 8: 22-25, 35-39; Jon 10: 28]

B. Naig fe mosor gariya inof anĩ eig fiya.

1. Uur nē teneub bun naig fe mosor gariya inof anĩ eig fiya:

Naig wo fen, õ saa ilunem tenebur kubū won, O bonimei nē barisa, we kurā fiya nē naal! Ō tenebur dirāyon, õ kulu teneub kantri musei tenebur inenēdin! Ō waū bun uron, aya saa ilun eselauf; aya neu king nē sia Negur nē barisa wal afeid fen, anouf; aya arei fateul nē ilun biya bun, guru fiya nē arei bun abodōf. Aya lalo neid ilun biya wal afe fen, eselauf; aya yug Negur Ilun Bagai gen anoyauf. (Asaia 14:12-14)

2. Tamo kayau bun naig mosor gariya inon anĩ eig fiya:

Gama gogour anĩ ereb ereb gaar kuī Odug kare fedin atun idegēya keleī bagain. Ī kayau anĩ irokenen, “Negur momoi bagai eig ye iron de, ‘Ā kabier aa taka bun tamal faat to wāgauf?’” Kayau anĩ gogour irokenen, “Amā kabier aa bun tamal faat yōya nigin kisi feleya, anĩ ere, Negur iron, ‘Ā aa kabier atun ibodok anĩ bun tamal faat to wāgauf, to kobū gouf bagai, ago gouf are, ā gare gouf.’” “Ā to bagai gare gouf,” gogour anĩ kayau irokenen. “Are Negur ī keleī, are ā anĩ wāgauf are, āgenei meleī kelē youf, agog fen, ā biya ado sane kelei ken, Negur gen wowā gouf.” Sain kayau anĩ, aa nē faat are, saaf nigin biya, mala ile orof fen, kisi biya yaleya nigin biya anĩ ile fen, faat tunī yale yon. Kayau ī, faat tunī yogen tamo ī ado ibodon anīg ifenē di, anĩ yon. (Jenesis 3:1-6)

C. Mosor nē daū fiya nē kaū: (Posta 10b)

1. mosor inon nigin wau morō, tobonunā sane, idegēya waitou yana yaleseya, idegēya kosēya, abob kiwai ifenēya, kušiya, kiyēt inoya, seyeya, aya dogol yeya, name nameya, aai naanueiya: Galesia 5: 19-21
2. Eneidim Negur wau morō difenēdig. Asaia 5: 1-4,7

D. Ada madur bagai, are neda sā anĩ ifanadaf.

1. Ada ganan mosor nigin darau yaleya nē anĩ wō tauf. Rom 3: 9-11
2. Madur bagai taka Negur bun tamal anĩ yaoren: Rom 3: 21-26
3. Ada igirīya ado: Jon 3: 16-18
4. Negur, Jesus, mosor sā anĩ, neda mosor nigin darau ifenen, are ada Jesus nē madur bagai ifanadauf nigin Negur age fen: 2 Korin 5: 21
5. Jesus, darau neda mosor nigin ada talouf nē anĩ yalen. 1 Pita 2: 24
6. Jesus Kristus isisnen, are ada mata tabodōf nigin. Galesia 3:13
7. Odug nē wau ifenēya ado darau totol ī yalen anĩ nigin kisi gouf: Rom 11: 22

# *MATA KEL YALEYA*

## **Lesson 11: ADA MATA KEL YALEYA BUN NEGUR NĒ WAU IFENĒYA TAILEF**

**Kisi odug:** Lesson enei, naig fe fen, Negur ī, yogen wau yūya biya bagai bun, neda mosor nigin weder tu kel fen, ada ī ado uyu kū fiya bun irof nigin orof anī nigin katōfef. Ada nigin Negur nē wau kelei ken, kobū tafef anī, neda uur nē mata ibodōya bun odug biya.

**A. Wau ifenēya sā bun, ere anī neda ibodōya?** Negur nē ege luwa (yogen wau ifenēya) keleī youf nigin, ege luwa anī yaleya sā mog, neda ibodōya naig fiya anī keleī youf bagai. (Posta 11a)

1. Ada kisi tafedig, are neda wauda mosor naal bagai ado. Are momoi sā bagai.
2. Neda wauda madur fiya nigin naab taka sā.

“Wau anī idegēya bun tamal ereb ereb ganan wal fiya, madur fiya kisi feleya sā. Aim anī keleī youf?” Jeremaia 17: 9

3. Anī ere, Negur madur fiyēya kisi feleya, ī wau mata ado uur mata ifanadaya kisi feleya:

“Aya wau mata afenei ken, ā nameī uur mata anouf; Aya ā bun tamal meein nē wauī alelau fen, bouwa nē wau afeneīf.” Esekiel 36: 26

**B. Negur ada nigin odug bagai wau laaf fen, tamo kayau ganan ī ado uyu kū fiya dalouf nigin orodig.** (Posta 11b)

1. Negur ada nigin naig fiya odug bagai wau laa fedig anī eig fiya. Matyu 27: 26-30, 35-44; Jon 10: 17-18 [Rom 5: 6-8]
2. Uyu kū fiya baban kel yaleya nigin, ada ereb uyu kū fiya nē naabura gudūfef anī talelauf bagai: mosor. Ada mosor nigin weder tu keleya anī to tafiyēf bagai. Jon 5: 39-40; Jon 6: 35-37

**C. Negur ī dodok fe fen, mosor nigin weder tu kalauf anī orodig.**

1. Jesus saa ilunem isi, ada geid tabodon! Enei ifelnadaf, are ī naig fiya bagai neda mosor nigin weder tu kalauf nigin orof anī. (Posta 11c)
  - a. Daū fiya are neda.
  - b. Revelesen 1:5b-6 “Ada nigin wau laaf fen, Yogen naud bunem, ada, *neda mosor bun tamal yalenadan ī anī bun...*”
  - c. Mosor nigin weder tu keleya nē gariya:
    - (1) Mosor inon nē kisi ganan bun tamal ege luwa karika ifenēya.
    - (2) Darau be wareg yaleleya.
    - (3) Wareg kel yaleya nē ganan itorōya.
  - d. Mosor nigin weder tu keleya are, neda mosor nigin baban kisifef ya sā. Hibru 8:12
2. Baibel eig fediya, Negur mosor nigin weder tu kelef anī orodig anī difelnadaf.
  - a. 2 Korin 5: 21
  - b. Galesia 3: 13
  - c. 2 Pita 3: 9 [1 Timoti 2: 3-6; Taitus 2: 11; Jon 3: 16-17]

**D. Negur nē Wau Ifenēya, ada wau yukesileya ado mosor nigin wau faleiya bun iweignadaf.**

1. Negur neda mosor nigin weder tu kel fen, kel yaledauf nigin ada bun wareg sā, anī ere, Yogen wau laa fiya odug ado wau ifenēya odug nigin, ī mosor nigin weder tu keleya anī agef tobolfef.
  - a. *Wau ifenēya are, ifenēya nē sā anidi bun ifenēya.*
  - b. Ada momooya nigin wau ifenēya bunem kel yaledaf; are Negur nē ege luwa. Efesus 2: 8-9
2. Negur nē wau ifenēya anim, ada wauda faleiya bun irof. Rom 2: 4 [Efesus 3: 16-19]
3. Negur ū to itornōf. ū igirīya to biya tunī unon oufeg, ī fau to itornōf. ī itornō di, ū bure wel fen, kubū wouf anī to agef wō youf. Filipai 1: 6

**E. Solo Fiya:** Foinenem kisi gouf. Ereb Negur age fen anī nigin kisi gouf. Å naig gouf bagai?

**F. Hosea ado Gomer neid nenerī (Wau ifenēya nē nenerī):**

- a. Sam 103: 3-4 (1-5) Negur ada ku bun tamal yalelnadaf.
- b. Hosea 1: 1-10 (Baibel bun od falei fiya ban, Õ ogo nenerī anī wogō wouf)
- c. Hosea 11: 1-4, 7-9, 12, Negur ada nigin iwegif. “Naig afe fen, aya õ itornōya kisi feleya...?”
- d. Negur, Yogon naal nē naud bunem, ada na yalen.
- e. Jesus nē kot fiya ado aa tetek bun yukesiya. Matyu 27: 26-30; 35-44
- f. Jesus yogon wau laa fiya odug nigin, ī yogo wau iro ken, aa tetek bun ilen. Jon 10: 17-18

## ***Lesson 12: ERE ANĨ MATA KEL YALEYA?***

**Kisi odug:** Lesson enei katō gef, are ada Kristus ĩ neda mugu mugu nē Kel Yaleya Tamo ya anĩ nigin momoi tauf sain bun, ere anĩ wō yef anĩ nigin katō gef. Lesson enei eig fediya nigin ifelnadauf: wau faleiya, momoya, mosor bun tamal kel yaleya ado, Negur nē ibor bun yaleya.

### **A. Mata kel yaleya bun uru eig fediya ibodok, mosor nigin wau faleiya ado, ereb Jesus ada kel yaledauf nigin age fen anĩ nigin momoya.** Mak 1: 14-15 [Aposel 20: 20-21]

1. Wau faleiya
  - a. Anĩ nē gariya: taka nē wau be kisi gariya anĩ falei fiya.
  - b. Ada neda bouwa tubu bun laa fadaf 2 Korin 5: 17
  - c. Negur õ tamo kayau mata inoyõf: Efesus 4: 20-24
  - d. Jon Naan Igunẽdiya Tamo ifelnẽdin, are wau faleiya momoi bagai anĩ kaũ ado: Matyu 3: 1-2, 7-8
2. Momoya
  - a. Anĩ nē gariya: ogon uur nē mata ibodõya anĩ Kristus bun inoya.
  - b. Ada neda tobonunā bunem to kel yaledan, anĩ ere, ereb Kristus ada nigin age fen anĩ bun tanof nigin kel yaledan: Efesus 2: 8-9; 2 Korin 5: 15; Rom 6: 22-23
  - c. Õ Jesus anĩ ogon mata ibodõya nē King uno fen, ĩ dõ wouf nigin waũ utenẽf. Are Odug yeza nē gariya.
  - d. Ada tobonunā biya bunem to kel yaledan, anĩ ere, ada tobonunā biya age tafouf nigin kel yaledan:
    - (1) Negur ada nigin kabī dodok fen: Efesus 2: 8-10 (vs. 10: ada tobonunā biya age tafouf nigin Kristus Jesus bun kare fadan)
    - (2) ĩ ada Yagon Naal gen wō tauf nigin, ada wōya sā mog, kisi ifon: Rom 8: 28-29
3. Neda mosor yalele di, ada wauda karẽtut ifanadaf:
  - a. Neda mosor Kristus Jesus nē naud bunem kulo fedif: Revelesen 1: 5 [Hibru 1: 3]
  - b. Kel yaleya bun, mosor dinon nigin bou yūya taka baban to ibodok! Rom 8:1
  - c. Negur ada mata ibodõya mata ifanadaf: Efesus 4: 22-24 [Taitus 3: 5; Jon 3: 3]
4. Ada Negur nē ibor bun inodan
  - a. Gama ada Negur nē ibor tabodok: Galesia 4: 4-6 [Efesus 1:5]
  - b. Negur age fe di, ada Kristus geid Negur nē akor weim talouf: Galesia 4: 7; Rom 8: 17
  - c. Ada mata ibodõya mata tabodõf nigin, Kristus geid weim aa tetek bun idenadakesin: Galesia 2: 20
  - d. Jesus ada geid tabodõf nigin isi fen, Yagon Awa Uur Fateul ifanadaf: Jon 14: 16-18, 23
  - e. Ada, Awa Uur Fateul nē megeir bunem Jesus dō fiya bun, toku mata tabodõdig: Galesia 5: 16

### **B. Wau faleiya bun ada ere naig tafouf?**

1. Mosor anĩ kurō wesig. 1 Jon 1: 8-9
2. Mosor to oroyei ken, anĩ bun tamal falei gouf. Esekiel 18:30-32; Rom 6: 2
3. Ereb Negur ã ago gouf nigin orof anĩ ago gouf nigin wauñ utenẽgouf. Aposel 26: 20
4. Negur ã falei yeif nigin momoi gouf. Filipai 1: 6

### **C. Wau faleiya nē example:**

1. Takis yaleya tamo nē yagon mosor nigin wau gudū fiya. Luk 18: 13-14
2. Pentikos Naa bun tamo kayau. Aposel 2: 37-38

### **D. Kel yaleya nē momoya anim, ãgenei mata ibodõya bun eig fediya anĩ kare fediyouf.**

1. Ketem, enei anĩ momoya bagai sā. Jems 2: 19
2. Ñgenei wauñ bun, Kristus ã nigin laa fen anĩ nigin momoi gouf. Rom 10: 9-10
3. Gama ã Odug mata ado. 2 Korin 5: 15

4. Ågenei Odug mata dō gouf nigin wauñ utenëgouf. Rom 6: 16-19
5. Kel yaleya nē momoya anim, momoya nē kaū kare fediyouf (fateul nē toboununā). Jems 2:14-17

### ***Lesson 13: ERE ANĨ KRISTEN TAMO NĒ URIS?***

**Kisi odug:** Ifelnēya enei, Kristen tamo be kayau ī tamo neid meleid bun naig fiya wō douf nigin katōfef. Ifelnēya enei nē musei ganan 1 Jon bun tamal isif; wau laa fiya anĩ, Kristen tamo be kayau nē tobonunā ī namen faleiya bunem wō ye fen, yaoredig.

**A.** Aposel Jon 1 Jon 1: 1-3 bun eig ye iron: Amā mata ibodkeleya anĩ, ā yaor mafe marokeneik, are ā Tama ado Yogan Naal Jesus Kristus geid nigal ūgauf nigin age mafef.

*Nenerī: Saut Amerika bun kesu oosi taka yogan sina laa fen anĩ ibodon. Yogan tama naan musei yoko, yogan naal to biya kulatun fiyēdig. Anĩ nigin, kesu ī, saaf yaleya nigin saaf irarāya nē modoū bun saaf imir ken, saaf bē yaledig. Ī Kristen kayau taka bun tamal saaf bē yalouf nigin age fen. Kayau enei kesu anĩ nigin kosē ye fen, kesu anĩ yalouf nigin kisi ifon. Kayau ī kesu anĩ yale fen, biya kulatun fiyen, ī saaf ifenen, kolos ifenen ado, ī nigin wau laa fen. Anĩ ere, kayau ī kesu anĩ biya kulatun fiyēdigeg, kesus ī toku saaf bē yale fen, saaf irarāya nē modoū bun saaf imirēdig. Kesu ī, yogan ibor mata nigin momoi youf nigin tai fiya anĩ fau ibodon. Kesu ī, yogan ibor mata bun naig fe, naab anidi bun age souf nigin tai fiya anĩ fau ibodon. Enei are sain tekelei bun to wō yedig, are sain yalouf.*

- Ere anĩ uris? Uris are tobonunā mala taka nē tamo taka ado, anĩ ere, mala taka nē tamo sā anĩ, sā anĩ.
- 1 Jon – Eig fediya bunem, amā Negur geid uyu kū fiya malef anĩ, amā keleīdig:

1. Lalan bun uyōg. 1 Jon 1: 6-7
  - a. Are ā Lalan nē gere tar wō gouf nigin: Jon 12: 36
  - b. Lalan nē faat are, biya fiya, madur fiya ado, momoi yeya. Efesus 5: 8-9
2. Ada ereb Negur irok anĩ age tafe. 1 Jon 2: 3-6
  - a. Wau laa fiya anim kabī yale di, dō fiya anĩ wō yef. Ada Negur dō tafe anĩ kilei bagai, ī nigin wauda laa gef.
  - b. Enei are anĩ nē kaū: Jon 14: 21
3. Āgenei tureī nigin wauī laa gef. 1 Jon 2: 9-11 [Jon 3: 10-11, 14-18; 4: 20- 21]
  - a. Ai anĩ neu turau? Luk 10: 29-37
  - b. Wau laa fiya anĩ, taka nigin ereb biya bagai anĩ igirīya.
4. Teneub nigin to wauī laa gef. 1 Jon 2: 15-17
  - a. Teneub enei nē gariya are: ereb ereb safina, bouwa nē oroya, aya aya yeya (Lessons 8 ado 9 ulogouf)
  - b. Eneidi are iminkalauf; tamo Negur ado iyok ī gai gai mata ibodōf. 2 Korin 4:18
5. Jesus bun ubodōg. 1 Jon 2: 24
  - a. ‘Ubodōgef’ anĩ nē gariya are agef yenek, anĩ bun si inoya be, melsā yenek. Jon 15: 4-7
  - b. Anĩ nē kaū: ada bun faat musei wō def. Jon 15: 4-5 [Jon 8:31-32; Jon 15: 7]
6. Awa Uur nē Kurō Fesiya. 1 Jon 4: 13
  - a. Kurō fesiya tamo – taka ī ereb wō yen anĩ nigin wogō yef.
  - b. Awa Uur ī, ada Negur nē gere tar yeya anĩ neda uur geid megeir gef. Rom 8: 14-16
7. Ereb madur bagai anĩ agouf. 1 Jon 3: 10
  - a. Taka ī, ereb madur bagai anĩ age fiya nigin totol, taka ileya sā mog be, are ereb naal bagai youfeg, age fedig. Luk 16: 10 [Taitus 2: 7]
  - b. Idegēya sā: momoi nē tunī dogol ifenēya sā, anĩ ere, momoi nē ganan ifenēya. Efesus 4: 25

8. Teneub anī walfef. 1 Jon 5: 4-5
  - a. Ā wau inosiya yaleya kisi feleya, ere nigin, Jesus teneub anī wal fen. Jon 16: 33
  - b. Eneidi Sipsip Naal nē naud bunem wal difen. Revelesen 12: 11

**B. Enei anī, ā mata ibodkeleya ado anī keleīf nigin itoton:** 1 Jon 5: 13

**C. Pita iron, are eneidim āgenei uur nē mata ibodōya bun faat musei wō douf yeya anī megeir fouf:** 2 Pita 1: 5-9

**D. Ada ereb to tafeb anī yaleya nigin tari fiya kisi feleya de?** 1 Jon 5: 14-15

*KRISTEN NĒ MATA  
IBODŌYA  
&  
UYU IROUYA KABĪ*

## ***Lesson 14: KIWAI ANĨ WAL TAFOUF NIGIN NAAB ARE EIG FIYA***

**Kisi odug:** Jesus bun neda megeir nigin momoi yeya nẽ keleĩ ado, uur nẽ kusĩ waila ada bun ibodok yeya nẽ keleĩ anĩ, naig tafe fen, Satan wal fiyëya nẽ keleïya nigin odug biya. Lesson enei katõfef, are Efesus 6 ado, neda kiwai ado kusĩ bun naig tafe, Efesus 6 anĩ kabĩ bun tafenẽf nigin kisi tafouf.

**A. Ada teneub uru bun tabodok: safina nẽ ado uur nẽ. (Posta 14a)**

1. Uur nẽ teneub anĩ, safina nẽ teneub gen, momoi bagai ibodok.
2. Kusĩ fau ibodok: Efesus 6: 12
3. Satan nẽ kusĩ waila odug anĩ idegëya.
  - a. Ī idegëya nẽ tama: Jon 8: 44
  - b. Ī momoi anĩ falei fedig: Matyu 4: 5-7
  - c. Ī lalan nẽ engel gen tamomoi yeyag kisi feleya: 2 Korin 11: 14 [Matyu 24: 24]
4. Jesus Satan nẽ kabĩ daũ fouf nigin isin: 1 Jon 3: 8

**B. Ada ai anĩ neda kiwai anĩ keleĩ youf bagai.** 1 Pita 5: 8-9 [1 Jon 5: 19; 2 Tesalonika 3: 3]

1. Ada yogon kisi ado kusĩ nẽ naab keleĩ anĩ odug biya.
2. Satan teneub fire firen tamo kayau fire fire bun kusĩ nẽ naab fire fire ado.

**C. Ada momooya tamo kayau, anĩ ere, ada momoi bun mata ibodöya kisi feleya be, ada momooya sã tamo kayau gen idegëya bun mata ibodöya kisi feleya.**

1. Uyu irouya: Satan
  - a. Gariya: idegëya
  - b. Tobonunã: yogo nigin oroya
  - c. Kaũ: fonou leya ado daũ fiya
2. Uyu irouya: Negur
  - a. Gariya: momoi yeya
  - b. Tobonunã: Negur ado taka nigin wau laa fiya
  - c. Kaũ: wau kulïya ado wau inosiya

**D. Negur nẽ megeir anim ã isenneïya nigin kisi feleya.** Kolosi 1: 13; 1 Jon 4: 4 [Luk 1: 37; Efesus 5: 8-10; 1 Korin 10:13]

1. Satan ī ada gen kare fiyen, Negur be Yogan megeir gen sã bagai.
2. Ada Negur nẽ megeir yaleya kisi feleya anĩ nigin sã momoi tauf.

**E. Naig tafe fen, neda uur nẽ kiwai ado kusĩ tauf?** 1 Pita 5: 8-9 (Posta 14b)

1. Āgenei kiwai ã kisi yeik anĩ keleĩ youf.
  - a. Āgenei felu reya ado felu reya nẽ sain nigin lo weleg.
  - b. Neda bouwada nẽ oroyag ada kisi fadadig. Jems 1: 14
2. Negur nẽ kusĩ nẽ saki ganan ufonûg: Efesus 6: 10-13 [Jems 4: 7]
  - a. Lũ: momoi yeya Efesus 6: 14
  - b. Siot kapa: madur bagai Efesus 6: 14
  - c. Ye: maror nẽ Biya Od wogöya nigin dodok fiya Efesus 6: 15 [1 Pita 3: 15]
  - d. Makanam: momooya – Jesus ī āgenei mata ibodöya nẽ Odug, ī dõ gouf nigin kisi utenẽgouf Efesus 6: 16
  - e. Hat kapa: kel yaleya Efesus 6: 17
  - f. Awa Uur nẽ dimig: Negud nẽ Od Efesus 6: 17
  - g. Kosëya ado to fiya ganan bun, sain ganan Awa Uur bun kosë gouf. Efesus 6: 18
  - h. Tutuk ufaragauf Efesus 6: 13b-14a
  - i. Negur nẽ kusĩ nẽ saki ganan waleg, naki weleg fen, Satan nẽ kisi, fe fiyëya nigin, sã megeir ufaragauf. Efesus 6:11

3. Ada weim kusī tauf Galesia 6: 2 [Hibru 10: 23-25]
4. Idegēya anim to meleī ifofakalauf nigin lo weleg. Hibru 3: 12-14 [Jems 1: 23-25]

**F. Neda megeir Negur bun tamal talen anī kabī ifenēya nē naab**

1. Jesus yana bun Luk 10: 17 [Aposel 3: 6-7]
2. Negur nē Od Matyu 4: 8-11 [Efesus 6: 17]
3. Kosēya ado kuriya Mak 9: 28-29 [Aposel 14: 23]
4. Kristus nē naud Revelesen 12: 11
5. Jesus nigin neda wogōya Revelesen 12: 11
6. Yana yaleseya ado seli yabiya Kolosi 3:16 [Efesus 5: 17-20]

## ***Lesson 15: ERE NIGIN ADA FATEUL WŌ TAUF BAGAI?***

**Kisi odug:** Neda Negur geid uyu kū fiya anī (are kel yaleya sā) neda Ī geid iyōya bun ibodok. Lesson enei fateul bun iyōya are odug biya anī nigin ifenek, “Aya fateul abodok nigin ā fateul ubodōgouf” 1 Pita 1:16. Lesson enei, Kristus bun neda gama nē ibodōya ado ifareya nigin neg ifelnēdif.

### **A. Negur Ī fateul:**

1. Negur Ī fateul fen, ī yana yaleseya yalouf nigin kisi feleya: Revelesen 4: 8-11
2. Awa Uur Fateul. Od “fateul” areg Yogan yana bun ibodok.
3. 1 Jon 1: 5 “Negur ī lalan fen, ī bun gugum taka to bagai ibodok.”

### **B. Ere anī Fateul?**

1. *Anī nē gariya: Negur bun firen inoya*
2. *Lalan nē gariya are tobonunā nigin kisi feleya bagai.* Negur nē tobonunā are kisi feleya bagai.

### **C. Negurem ada naig tafouf nigin kisifef? Ada Pol gen tarok:**

“Aya nameun, are neu mosor nē bouwaun ereb biya taka to ibodok anī keleī” Rom 7: 18

1. Dawid tofef, are ai anī Negur mala bun ifareya kisi feleya?:

Aim anī Odug nē uya iselauf? Aim anī Yogan modoū fateul bun ifarauf? Taka ī ima amuyē sā ado wau karētut ado anī... Sam 24: 3-4

2. Pita irokanadaf:

Anī ere, taka ā iweignein ī fateul ibodok gen, ā ereb ereb ganan ā ago gef bun fateul ubodōgouf; ere nigin, eig ye itoton: 'Fateul ubodōgouf, ere nigin, aya fateul abodok. 1 Pita 1: 15-16

3. Negur ada bun Yogan megeir yaor fouf nigin orodig: ī age fe di, Yogan lalan, Yogan fateul anī neda wauda bun fula fef. Ada, safina biya bagai enei, mis karā fiya namen, tenebur nē kulumā anī namedin ado, are Negur nē fula fiya medeīya, mis kisi feleya bagai sā eneidig bunem, dilouf nigin age tafe: 2 Korin 4: 6-7

### **D. Ada Negur nē ibor bun yaledan, are Awa Uur Fateul Negurem ada ifanadauf nigin age yen anī nē uris ado. Are sain faimud nē.**

Negurem, amā ado ā, Kristus bun totol tafarauf nigin age fef. ī igirnada fen, ada bun moul fi fel fen, ī, ada yogan nigin, ada bun yogan uris ino fen, ī wauda bun, ereb isiyouf anī momoi bagai isiyouf ye fen, yogan Awa Uur iben. 2 Korin 1: 21-22

[Efesus 1: 13-14; 2 Korin 5:5 anī ulogouf]

### **E. Anī ere, ada de fateuleg tabodōf nigin irokanadan, are ada 1 Pita 1: 15-16 tailef kilei**

*Nenerī: Sain king taka nē kesu matu wō yef, kesu anī dumen nē king anī sā de? Kesu anī wō ye fen, uub taka bun king wōya kisi feleya de? Sā. ī king wō youf nigin tutuk tai souf. Yogan modoū are ī dumen nē king anī, are yogan modoū. Anī ere, ī dumen nē modoū yalouf nigin ī tai souf bagai, anī bun fau ilauf nē naab ado, yogan modoū ado yogan tō yalauf anī fau ibodok: are fau ilauf nē naab.*

### **F. Fateul nigin fateul uru dibodok. Hibru 10:14**

#### **1. Gama nē ibodōya**

- a. Sain ada momoi tauf, ada Negur nē gere tar wō tau fen, Kristus nē fateul ifanadaf. Filipai 3: 9

- b. Neda **gama nē ibodōya** are ada fateul tabodok. Ada momoya tamo kayau wō tauf sain bunem Kristus bun neda ifareya are, Awa Uur Fateul ada namedan ibodōya bunem ada uris talen. Efesus 1: 13-14; 2 Korin 1: 21-22
  - (1) Ada neda megeir bunem anī to talen; ada Kristus nē naud bunem na yaledan. 1 Korin 6: 20 [1 Pita 3:18]
  - (2) Ada anī yaleya nigin mala taka ereb biya sā. Rom 5: 8 [Kolosi 2: 13-14]

## **2. Atīya wōya nē naab**

- a. Anī ere, ada Kristus gen wō tauf nigin irokanadaf: enei are fateul wōya nē naab, are uur nigin atīya wōya nē naab. 1 Pita 1: 15
- b. Neda fateul wōya nē naab: ada tubu nē mata ibodōya naab nē toboununā tubu anī talelauf nigin irokanadaf: Efesus 4: 22-24 [Filipai 3: 12-14]
- 3. Anī nigin, kisi taka bun, sain Awa Uur Fateul ada namedan ibodōf nigin isif, ada madur bagai ado fateul tabodok (gama nē ibodōya) dedig, anī ere, ada neda Kel Yaleya Tamo kelei ken, ī gen wō tauf nigin, biya tau fen, atīya wō tauf bagai (fau ilauf nē naab).

## **G. Ada neda mosor nigin momoi bagai wederada tu kel fen, fateul wō tauf yef are, ere nigin ada fateul tabodōf?**

- 1. Age fiya sāf are, ada neda Odug darau tafenēf, age tafe fen, ada ī momoi bagai keleī sā anī tafelnēdiyouf be: Hibru 10: 17-24; Hibru 10: 25-29
- 2. Pol katō fiya enei bun yogon kisi bagai anī nigin idi wedereid to fokō yen: Rom 3: 8; Rom 6: 1-4
- 3. Ere nigin ada fateul tabodōf? Negur wagen usig len, ī ā wagein isiyouf: Jems 4: 8

## **H. Jesus gen wōya (fateuleya)**

- 1. Jesus gen wōya are sain tekelei nē sā, sain yalouf; ī neda mata ibodōya anī kisi feleya bagai wō youf nigin orodig: "Aya idi mata dale fen, barikāuf nigin asin." Jon 10: 10

Aya āgenei temeī di, ā nau kesu tar, nau barai tar ouf, Odug saa ilun nē kusī tamo guri feid uyu iroudig anī irok. Ā neu oboiyou, ada Negur age afouf yen od enei ado nigin, ada dug ereb ereb ganan bouwa ado uur amuyē ifenēdig anī lilik tafe fen, Negur anini fiyēya bunem fateul bagai wō tauf. 2 Korin 6: 18 - 7:1

- 2. Filipai 1:6 Negur ada namedan kabī biya gariya inon are, tokō fel ile, ada Kristus gen wō tauf nigin age fef.

## **Lesson 16: NAIG TAFE FEN, ADA MOSOR NĒ TOBONUNĀ DAŪ TAFOUF?**

**Kisi odug:** Mosor nē tobonunā wal fiya nigin, Awa Uur Fateul nē megeir, kosēya ado, Negur keleī bunem kisi feleya. Naig tafe fen, ada Negur nē tobonunā gen wō tauf nigin keleī tale fen, orodaf nē naab anīg katō tafouf.

### **A. Tobonunā**

1. Ere anī tobonunā?
2. Tobonunā anī nainenem gariya inof?

**KISI → AGE FIYA → TOBONUNĀ → MATA IBODŌYA NĒ NAAB → FAU  
IBODŌYA NĒ MODOŪ**

3. Are dub naab gen. Ō uyō mog, õ naab uru bun ulō weis fen, ere naab dō wouf nigin kisi ufōf. Tobonunā are, sain õ naab taka anī naab taka wal wo fen ugirīf, õ baba baban naab tekelei anī kisi sā ugirīdig anī. Enei anī baba baban agef wō yedig nigin, õ kisi sā mog õ ago ugirīdig. Are naan naab uru bun ilef gen. Naan musei ganan naab taka bun ilef are, naab taka naan sā anī kaisā iwaikalauf.

### **B. Kisi Fiya**

1. Kisi fiya are ereb kisi bun wō yef anī.
  - a. Are ereb sane be.
  - b. Takag, are ereb biya anī naab kū fenēya bun yalouf nigin oroya be.
2. Kisi fiya are mosor de? Hibru 4: 15
3. Kisi fiya nigin gariya towo ibodok:
  - a. Satan Mak 1: 13
  - b. Teneub Galesia 1: 3-4
  - c. Neda oroya Jems 1: 13-15
4. Kisi fiya wal fiya anī kisi feleya de? Hibru 4: 16 [1 Korin 10: 13]

### **C. Kisi fiya itorōya nē naab**

1. Baban naan nē yaab od bun talauf. Aya naan nē naab anī falei afouf nigin orouf are, kabī totol alouf. Aya naan anī naab fire bun ilauf nigin naan yaleya nē sina taka anouf be. Anī ere, aya naan yaleya nē sina anī, naan nē naab uru wōya nē modoū farumen anouf are, naan anī fau naan yaleya nē sina gire feis fen, tokō fel ilauf. Aya naan nē naab uru wōya nē modoū (kisi ifōya nē modoū) bun esel fen, an naan yaleya nē sina anouf bagai.

Tobonunā wal fiya are age fiya. Aya kosē au fen, nain aya kū afenek anī Negur ifelnauf nigin Ī to afiyēf bagai. Uruwa bun, õ kisi ufo ken, kū fenēya nē naab ugirin anī dogol ulef be. Ō igirīya anīg sā gen kisi wof be. Anī ere, tokō wel, õ tobonunā falei wouf nigin Negur isennōf nigin koseī wouf. Anī dogol sā, ogon tobonunā bunem darau wenēdin anidi ogon mosor nigin wedereid tu kalauf niginet umirēf.

Od idīya bun, õ Negur nē soloф irōya yaleya nigin tokō wel umirēf are, Ī õ iyawoya nē naab ifelnōf (1 Korin 10:13). Ō kisi fiya kū fenēya nē naan kuwei bun uyu iroudig anī ulouf nigin umirēf. Ō kū fenēya naab igirīya nē modoū non to ulauf nigin, nain be õ ileya nē naab falei wouf anī Negur ifelnōf nigin, ī to wiyēf. Ō ogon mou tar õ geid kosē ge fen, idi õ tobonunā falei fiya nigin naig wof anī dirokonōf bunem disennōf nigin idi to wiyēdiyout.

2. Tobonunā sane anī tobonunā biya bun falei wouf:
  - a. Sain Satan kisi fiya ifanadaf. Efesus 6: 10-17 [Jems 4: 7; Matyu 4: 1-11]
  - b. Sain teneub kisi fiya ifanadaf. Jenesis 39: 6-12 [2 Timoti 2: 22]
  - c. Sain neda oroya kisi fiya ifanadaf. (Posta 12a)

- (1) 1 Korin 9: 24-27 Eig fediya, are ð ogon Odug ado Kel Yaleya Tamo keleïya nigin disennõf anĩ agouf nigin ogo tai wouf: Baibel keleï yaleya, kosëya, sios bun uub yaleya church...
- (2) Galesia 5: 16 Awa Uur bunem ubodõgouf, ago gouf are, ã bouwa nẽ oroya to dõ gouf.
- (3) Filipai 4: 8-9 Ereb momoi anĩ, ereb biya anĩ, ereb madur anĩ, ereb karëtut anĩ, ereb wau laa fiya nẽ anĩ, ereb yana iseleya nẽ anĩ, ereb taka biya bagai fen, yana iseleya nẽ bagai anĩ, ereb ereb age fiya nigin kisi gouf.
- (4) 2 Timoti 2: 22 Oosi nẽ bouwa oroya sane so wiye, ago fen, madur bagai ibodöya, momooya, wau laa fiya ado, wau inosiya anĩ dõg.
- (5) Sam 119: 11 Aya ð bun mosor to anouf nigin, ogon od neu wau bun anokon. [2 Timoti 3: 16-17] (Posta 12b)
- (6) Proverb 4: 14-15 Tamo sesen nẽ naab bun to uyõf, anĩ bun tamal falei wo fen, ogon naab dõ wouf.
- (7) [Luk 22: 40,46] Kisi fiya bun to kubũ gouf nigin kosë wog.
- (8) [Rom 12: 1-2] Negur nẽ wau yüya nigin, ägenei bouweï, mata ibodöya nẽ sesewi fiya gen Negur wenëgouf. Negur ägenei kisi falei fe mata inoyeï di, ägenei kisi mata anĩ dõ gouf, anĩ bunem, ã Negur nẽ oroya, are yogen biya nẽ, kuliya nẽ ado, kisi feleya nẽ oroya anĩ keleï youf.
- (9) [Kolosi 3: 2] Ägenei kisi ereb ereb ilun nẽ nigin unogouf.
- (10) [Jems 5: 16] Ägenei mosor nigin abob mala bun kurõ wesig.
- (11) [Proverb 24: 16] Madur tamo kubũ ye, sewen fef...

#### **D. Neda Negur geid uyu kũ fiyam ada ï bun irouf kilei, ada teneub eni to orodauf.**

1. Jesus ï aa wain gariya, ada were. Ada ï tatornëf are, ada ereb taka to ago tafouf: Jon 15: 5, 8
2. Ada naig tafe fen, taka ï eig ye irok anĩ kiwai ifenëya kisi feleya de?:

Aya ägenei temeï di, ã nau kesu tar, nau barai tar ouf, Odug saa ilun nẽ kusï tamo guri feid uyu iroudig anĩ irok. ã neu oboiyou, ada Negur age afouf yen od enei ado nigin, ada dug ereb ereb ganan bouwa ado uur amuyë ifenëdig anĩ lilik tafe fen, Negur anini fiyëya bunem fateul bagai wõ tauf. 2 Korin 6:18-7: 1

3. Ada ï nigin keleï talef kilei, ada ï bun irouf kilei, ada ï gen wowä tauf. ï ada nameda bunem ile mayarëg falei fadadig. Filipai 1:6
4. Ada kusï wal difen anidi wal fediya tabodok, ada toku Negur bun falei tafouf are, ï ereb ereb ganan neda biya fiya nigin kabï ifenëdig [Rom 8: 28-39]

## **Lesson 17: ERE NIGIN ADA MOSOR NIGIN WEDERADA TU KALAUFT BAGAI?**

**Kisi odug:** Lesson enei mosor nigin weder tu keleya nē gariya nigin ifelnēdif, Jesus nē mata ibodōya ado tai fiya nigin katōfef, agef fen, mosor nigin weder tukeleya yaleya ado ifenēya nē naab anī ifenēdiyouf.

### **A. Dirikeī (Posta 17a)**

1. Dirikeī anī, seyeya, anī nē gariya fau ibodok bunem isif.
2. Ō meein taka bunem ogon ye gege taka gudū fen anī nigin kisi wouf. Ō ye gege gudū fen anī to kulo wo, kulatun wouf, anī biyauf nigin to agouf are, anī bun guruma wō youf be. Fau guruma sane wō youf are, ō ye gege anī ganan gudū fouf be; takag, guruma anī sane bagai youf are, ō ye gege nē guruma anī bunem laa yōf be! Dirikeī anī age fiya. Ō seyeya dirikeī namen ibodok anī to kulatun wouf are, anī bun guruma wō ye, kabī yale di, morō fire fire wowā douf. Dirikeī anī laa buneg irouleya kisi feleya. Ada enei neda tubuda tar bun tamal keleī, ere nigin, nedī darau soloif ifenēya anī bunem musei gare den.
  - a. Negur dirikeī yaleleya nigin irok. Efesus 4: 31-32
  - b. Kristen tamo kayaug dirikeī yaleleya kisi feleya. Efesus 4 anī Kristen tamo kayau irokenēdif. Efesus 4: 17
3. Dirikeī anī, neda uyu kū fiya ganan daū fediya kisi feleya; takag, anim neda wau kuliyag yaleleya kisi feleya.

### **B. Naig tafe fen, ada dirikeī ado anī keleī youf? Eig fediya are dirikeī nē uris:**

1. Wau inosiya, wau kulīya sā
2. Gariya sā seyeya
3. Wau tekelei sā
4. Wau totol
5. Seyeya
6. Odug dō fiya nigin wau sā

### **C. Dirikeī nigin ada ere naig tafouf?**

1. Ō taka nē mosor nigin weder tu kele di, dirikeī anī sa kalauf nigin Negurem ō isennōf nigin to wiyeēf.
2. Kosē wo fen, dirikeī anī Negur wenēf.
3. Ere nigin tamo enī darau enī ifonok anī, Negur ifelnōf nigin to wiyeēf. Ō de be ereb ago di, darau ifenēdin nigin.

### **D. Taka bun kū fenēya inoya: (Posta 17b)**

1. Tamo kayaug ganan, sain taka taka bun, abob nigin momooya sā, kisi sā wogōya be, taka nē mosor inoya bunem, uyu kū fiya gudū fiya daledig. Enei wō youf are, ada bun igirīya nigin naab uru ibodok. (Matyu 18: 21)
2. Naab uru are:
  - a. Dirikeī ado soloif darau ifenēya
  - b. Mosor nigin weder tu keleya ado komo fiya

### **E. Naig tafe fen, ada dirikeī bun to kubū tauf?**

1. Ada kaisā seye yedig nē tobounū Negur madur fiya nigin fau ibodok anī, ado de? Seyeya are, mosor nē tobounū falei fiya nē anidi taka (Lesson 16 ulouf).
2. Seyeya yogo are mosor sā, anī ere, ada anī kaisā yaleleya nigin kabī ado. Efesus 4: 26-27.
  - a. Ō bun kū fenēya taka inouf are, ō bun igirīya ado:
    - (1) Dirikeī yaleleya nigin igirīya
      - (a) Namen dirikeī wōya
      - (b) Mayarē darau soloif ifenēya

- (c) Daū fiya: uyu kū fiya, yogo
- (2) Mosor weder tu keleya nigin igirīya
  - (a) Mosor nigin wederē tu kalauf, anī ere, tamo kū fenen anī madur wouf
  - (b) Anī nigin baban to kisi wouf
  - (c) Karika ibodōya

#### **F. Ere nigin ada taka nē mosor nigin wederada tu kalauf bagai?**

1. Ere nigin, ada neda mosor nigin weder tukelen. Kolosi 3:12-17
2. Kabī tamo wau to yūdig nē yaab od: Matyu 18: 21-35
  - a. King anī, kabī tamo nē wareg K10 milion lai fesin.
  - b. Anī ere, kabī tamo anī K10 nē wareg to lai fesin.
3. Ada kabī taka od taka ado: 2 Korin 5: 16-20
  - a. Ada soosi tamo. verse 20
  - b. Neda od: Negur bun tamo nē komo fiya, takag, tamo bun tamo nē komo fiya. verses 18-19
4. De bouwa bun od sā karētut ubodōgouf: Filipai 2: 14-16a bun, Pol ‘mata nē od irouya’ nigin irok.

#### **G. Ō taka darau wenen ouf are, eig fediya anī ō agouf bagai.**

1. Ketem kosē wouf.
2. Ereb ereb ganan Negur bun kurō wesiyouf, anī ere, ogon kurō fesiya bun yaor wouf.
3. Taka onom kū fenēya wenēn ī bun ule fen, ogon kū fenēya nigin kurō wesiyouf. **Ereb ō agon anī nigin galā to unouf be, toboununā sane idi age difen nigin to urokenēdiyouf.** Matyu 5: 23-24, Matyu 7:3-5
4. Kel ifenēya / kel inoya. Ereb madur fiya nigin ibodok anī kel wenēf. Ō ereb bē walen ouf are, anī kel wenēf. Luk 19: 8-9
5. Kū fenēya anī ō bun inouf are, ō anī nigin (ogo be taka nigin) wederē tu kalauf. Rom 12:18 Kū fenēya nigin taka nē weder tu keleya are ō bun to ibodok, ō ereb agon anī ado maror inoya nigin agon anī dogol ō bun ibodok.

#### **H. Sain morō sios bun wō youf are, ada ere naig tafouf?**

1. Ada dug nigin es tafouf. Ada dug nigin es fiya sā mog, ada kaisā taka bun mosor tailauf nigin age tafedig. Ada mosor sā anī sā. Matyu 7: 3-5. Ketem ogon mosor anī madur wouf.
2. Kristen tura be main anī mosor madur fiya nē anī adouf are:
  - a. ī bun ule fen, urokenēf: Matyu 18: 15
  - b. ī to karī youf are, taka be uru wale, ī bun weim uleg fen, urokenēgouf. Matyu 18: 16
  - c. ī fau to karī youf are, morō enei siosem madur fiya nigin sios bun uroulauf. Matyu 18: 17
  - d. ī fau sioseg to karī youf are, ī momoiya sā tamo be kayau gen ago yēgouf – idi nigin waū laa fouf. Kristus, ada neda kiwai tar niginet kosē tauf nigin iron. Matyu 5: 44-46

#### **I. Sios atun kusī wō youf are, ada ere naig tafouf? Efesus 4: 11-16**

1. Bouwa ganī Kristus ado? Ibor ganī saa tanon ibodōf? Rom 12: 5 [1 Korin 12: 12-13; Efesus 4: 4]
2. Ogon yē gudū fe di, darau ifonōf are, ō to eig wof, “Ō neneya nē ye.” Anim ogon yē to biyauf! Ō anī kulatun wo di, anī biyauf. Ada Kristus bun turada taka ado kisi tekelei sāf are, ada dō fiya nē naab ado: **Rom 14: 1 – 15: 7.** Morō anī luwa irouya nē sāf are, Matyu 18: 15-17 bun madur tafouf. (Luwa irouya nē are, ereb Baibel bun tai fiya nigin naab yaor to ibodok anī: **enei anī, ereb Rom 14 bun to ibodok anī totol kisi wouf.**)

3. Sios bun, ada, sain taka taka bun, sios mala fire be sios taka nē tamo kayau kono tafiyēdidig, ada eig tauf be: “Ã kū wenēgef” be, “Ã fō temelei.” Age fiya ban, ada ye gudū fen anī kulatun tafef gen, idi geid weim kabī tale fen, tasennēdiyouf bagai.
4. Ada, sios mala fire be sios taka nē tamo kayau kono tafiyēid fen, “Ã kū wenēgef” be, “Ã fō temelei,” age tauf are, Kristus nē bouwa darau musei yalef. Ada sios idi luwa irouya ado fara fiya dalef anī tailedig. Ere nigin ada age tafedig? Ada age tafedig, ere nigin, ada aya aya yeya barikā. (Satan ī, yogen wau bun aya aya yeya ado nigin, saa tano bun tamal irun.) Sain ada sios bun darau ado fara fiya tafenēf are, ada, mosor nigin weder tu keleya ado komo fiya nē naab to tayōf.

**Guru fiya bun katō fiya:**

- Ada ere naig tafouf? Naig tafe fen, ada, komo fiya ado mosor nigin weder tu keleya bunem sios tasenneid fen, darau Kristus nē bouwa bun fara fiya bunem wō yen anī madur tafouf?

**Mugu mugu kisi gouf:**

- Dirikei anī ogon waū bun ibodok de? Ō taka nē mosor nigin wederē tu kel fen, ī ado komo wouf nigin agouf nē anī ado de? Naig wo fen, õ agouf kisi feleya? Idi õ anidi nigin seyeya ado neid mosor nigin wederē tu kalauf nigin, naig wo fen agouf anī nigin kisi wouf.

## ***Lesson 18: NAIG TAFE FEN, ADA KRISTEN IBOR TABODŌF?***

**Kisi odug:** Lesson enei, neda fonō bun Kristen fō anī odug biya yeya nigin katō fef. Tamo ado kayau neid kabī Baibel ifelnēdif anī nigin katō fef: Ibor nigin Negur nē kisi are, ibor nē tamo kayau ganan, ī bun idi neid mata ibodōya bun megeir fedī di, atīya wō douf nigin ī ibor inon.

### **A. Ere anī Kristen ibor?**

1. Are modoū, anī bun Jesus ī fō anī nē tamo odug anī.
2. Are ibor, anī bun abob uyu kū fiya biya yaleya nigin kabī yalef anī.
3. Are fō, anī bun sina tama ado erek idi momoi def anī dō difef anī.
4. Ibor nē uyu kū fiya anim Negur ī naig fiya anī ifelnēdif.

### **B. Ibor nē tamo kayau neid kabī anī Negur ere yef? (Posta 18a)**

1. Tamō, Kristus sios nigin wau laa fen gen, aiweī tar nigin wauī laa fouf. Efesus 5:25
2. Tama, ā gereneī tar to waud saneya wenēdigouf, ago gouf, idi agogon de fen, waud to al fouf. Kolosi 3: 21
3. Kayau, ā aiweī tar farumen ubodōgouf. Efesus 5:22
4. Kesu, ā Odug bun sineī temeī tar sigoreid dō gouf, ere nigin, are madur. Efesus 6:1 [Kolosi 3: 20]

### **C. Ere anī Kristen fō nē biya fiya?**

1. Tenebur nē tama tar idi, naig dife fen, dogo neid gereid tar nigin waud laa fouf nigin, Negur nē toboununā dō difouf bagai.
2. Kesu tar idi, fō bun Negur nē wau laa fiya momoi bagai dilef bunem, anī nē keleī dalouf bagai. 2 Timoti 1: 5

### **D. Sina tama neid kabī sigis: (Posta 18b)**

1. Sina tama atun wau laa fiya anim, Negur naig fiya gere tar nigin wau laa fef ya anī, gereid tar ifelnēdiyouf.
  - Ibor anī Kristus ado sios neid malakanon.
2. Ereb erek ganan agouf bun toboununā biya agouf.
  - Gere tar idi, takā nē toboununā dile fen, keleī daledig.
3. Ogon ibor nigin Negur yana yaleseya nē toboununā agouf.
4. Ogon gerē tar nigin waū laa fouf.
5. Ogon balē lo wouf.
  - Ogon od kaū sā to unouf.
6. Ogon gerē tar Negur ado Yogen Od nigin momoi douf nigin kabī walouf.
  - a. Baibel uwes fen, kisi wouf anī ufelnēdiyouf.
  - b. Saaf sain bun tutur kosē gouf.
  - c. Baibel nenerī ogen gerē tar bun uwes fen, urokenēdiyouf.
  - d. Sain unogen kilei, abob nigin kosē gouf.
  - e. Ogon gerē tar neid waud ado toboununā tai fiya nigin kabī totol walouf.

### **E. Kristen Fō nē Kabī**

1. Are modoū, anī bun gere tar Negur nē toboununā nigin keleī daledig
2. Are yogo nigin kulatun fiya anī uruwa bun difelnēdi di, age difedig
3. Are Kristus ado Yogen sios neid uyu kū fiya nē malakanon
4. Kristen ibor sios megeir fedig
5. Kristen ibor fonō isennēdidig

**F. Tamo kayau ado neid kabī.**

1. Tamo nē kabī
  - a. Kristus Ž sios nē mudur gen, ibor nē mudur kabī yaleya. Efesus 5: 23
  - b. Yogan kayau nigin wau laaf fen, aruna yaleya. Efesus 5: 25, 28-29; Kolosi 3: 19
  - c. Yogan kayau aniniya bunem kulatun fiya. 1 Pita 3: 7
2. Kayau nē kabī
  - a. Yogan tamo anini yeya. Efesus 5: 22; Kolosi 3: 18
  - b. Yogan tamo nē uyu irouya farumen ibodōya. Efesus 5: 22; Kolosi 3: 18
3. Ada momoiya tamo kayau nigin, abob farumen tabodōf bagai: Efesus 5: 21; Kolosi 3: 12-17

**G. Sina tama neid kabī. 2 Timoti 1:5 (Momoiya Bagai)**

1. Sina tama idi, dogo neid ibor nē uyu irouya
2. Ada neda gere tar nē eig fediya kulatun tafediyouf bagai:
  - a. Bouwa
  - b. Kisi
  - c. Uur
3. Ada gere tar neid kabī tafelnēdiyouf bagai
  - a. Dō fiya are kaū biya ado karika bagai ibodōya bun irou isidig
  - b. Dō fiya sā are kaū to biya ado karika ibodōya sā bun irou isidig
4. Negur Yogan gere tar madur fedidig gen, adag neda gere tar madur tafediyouf bagai, ere nigin, Ž idi nigin wau laa fef. Hibru 12: 5-11

## ***Lesson 19: BIYA OD WOGŌYA NIGIN DODOK FIYA ADO WOGŌYA***

**Kisi odug:** Baibel nē od dodok fiya ado wogōya nigin tai fiya are, od anī tamo nē weder ado keleī yaleya nigin ado kabī biya yaleya nigin kabī yalouf. Baibel nē od nigin fadedya anī, kos enei bun, tai feid fen, ifelnēdif.

### **A. Biya Od Dodok Fiya**

1. Negur nē weder irouya, uyu irouya ado, kisi biya yaleya nigin kosē wouf. 2 Timoti 2: 2 [Sam 127: 1-2]
2. Eig fediya nigin umirēf:
  - a. Aiyaim ifelnēdiya bun disiyouf?
  - b. Ere anī idi karīya nigin deuf?
  - c. Ere anī wō youf nigin õ oroyok?
3. Baibel nē od anī ugirnēf.
  - a. Verse anī nigin keleī walouf.
  - b. Wogōya nē tuwa unouf.
  - c. Biya od nē kaū anī umirēf.
  - d. Verse anī ere ifelnēdif:
    - (1) Negur
    - (2) Jesus Kristus ado/be
    - (3) Awa Uur Fateul
  - e. Verse eneim ifelnēdif anī umirēf.
  - f. Verse enei bun promis od inon anī umirēf.
  - g. Verse enei bun weder irouya inon anī umirēf.
  - h. Verse enei bun ereb Negur irokonom anī nigin faded wouf.
  - i. Õ naig wo ogon mata ibodōya bun verse enei kabī wenek anī nigin faded wouf.
4. Tai fiya nē saki walouf
  - a. Naab mata umirēf (ifelnēdiya karika dalouf nigin weli nē age fiya umirēf).
    - Example: Nenerī, Drama, Posta, etc.
  - b. Ogon ifelnēya nigin ereb ereb safina walouf.
    - Example: Posta, safina, etc.

### **B. Biya od nē suma**

1. Gariya inoya
2. Kaū odudug anī suma bun unouf (2 ile 5)
3. Kaū mugu mugu nigin malakanon unouf
4. Od idīya ado mata ibodōya bun kabī ifenēya

### **C. Biya od wogōya**

1. Wogōya nē tuwa wenēdiyouf (Ereb õ urokenēdiyouf fenē anī urokenēdiyouf)
2. Wogōya nē kaū odudug anī naab fire fire bun baba baban urōf
3. Ereb õ urok anī baban kaisā kel irōya
4. Wogōya bun, katō fiya ado, mata ibodōya bun kabī ifenēya anī agouf.
5. Ifelnēya anī nē kaū kaisā uro ken, to fiya anī solo urōf



“Scripture Application & Leadership Training”

### SALT I Posters (Revision 3)

These posters are used to illustrate Biblical concepts during the SALT I course. They should be translated into the vernacular. The posters are included in the SALT course booklet; and, they are also blown up into poster size and laminated for use as teaching aids.




THE SALT PROJECT

Copyright © 2000-2007 The SALT Project. All Rights Reserved.

Poster 1




*“Ã MOMOI anĩ KELEĨ YOUF, MOMOI anim KAFĨ FIYA BUN TAMAL YALELNEĨF.” Jon 8:32*

Momoiya Sã Anidi



*2 Tesalonika 2: 9-12*

Kel Yaleya Bun  
Momoiya Tamo Kayau



*Jon 10: 10*

Idegẽya

↓  
Kafĩ fiya

↓  
Sane bun ibodõya



Momoi


↓  
Kafĩ fiya sã

↓  
Biya bun ibodõya

## Negur Tenebur Ein Nē Tamada Biya Gen, Ada Nigin Wau Laa Fef


1 Jon 3:1

Jon 15: 9-10, 12



Tama nē kabī are, Negur Dei Ī  
naig fiya anī yogon gere tar  
ifelneīd fen, tai fedif anī.

# "Aba" DEI



- ~ Í neda nigin kisi feleya bagai wau laa gef
- ~ Í neda mosor weder tu kalauf nigin orof
- ~ Í ada nigin tari fadaf

~ Í neda wauda faleiya  
nē uur nigin wau kulī  
yef

~ Í ada nigin to bagai  
weder tu kalauf

~ Í ada nigin wau  
ifenēya ado wau  
yūya adouf


Luk 15:11-32

1 Pita 2:9

Rom 8:15-17

# Negur Ī Naig Fiya?


**1. a)**



Revelesen  
22: 13

Negur ī mata faimud ibodkeleya. ī bun gariya inoya sā, idikeleyag sā.

**1. b)**




Kolosi 1: 15-16

Negur ī mata faimud ibodkeleya. ī ereb ereb ganan kare fedin, ī takam to kare fiyen.

**2. a)**


Rom 1: 20



Negur ī bun idikeleya sā. ī megeir ganan barikā; ī ereb ereb ganan sā age fiya nigin kisi feleya.

**2. b)**


Rom 11: 33-34



Negur ī bun idikeleya sā. ī ereb ereb ganan keleī; ī ereb ereb ganan keleī nē anī keleī.

**2. c)**


Sam 139:7-12  
Hibru 4: 13



Negur ī bun idikeleya sā; ī ereb ereb ganan bun ibodok. ī ereb ereb ganan iledif; ī ereb ereb ganan bun sain ganan ibodok.

**3.**


Jon 6:46



Negur takam ileya kisi feleya sā; ī anī Uur.

**4.**

Mak 1: 11




Negur ī tamu mugu mugu nigin kisi fedig; ī neda wauda, kisi ado, oboida uyu kū fiya yaleya nigin orodig.

# Negur Í Tekelei, aní ere, Í Towo


Diuteronomi 6: 4  
Jenesis 1: 26

Jon 13: 36  
Jon 14: 8-9  
Jon 14: 16-17  
Jon 14: 26  
Jon 14: 23



**Negur Í Towo aní  
naab eig fediya  
towo bun bagu  
felef:**


- 1. Megeir**
- 2. Gariya**
- 3. Wau Laa Fiva**



## Negur ī Fateul

1 Jon 1: 5

*Negur ī dō fiya biya,  
falei fiya sā bun dō fiya biya*  
Jems 1:17; 2 Timoti 2:13



**Negur ī anī momoi,**  
*ereb ereb naig fediya bagai anī  
wogō yedig.*

Jon 14: 16-17

**Negur ī anī wau yūya,**  
*idi to biya nigin wau yūya  
yaleya kisi feleya sā anidi wau  
yūya ifenēdidig.*

Efesus 2: 4-5

**Negur ī anī kisi biya,**  
*wau laa fiya bun Yogan keleī  
anī kabī ifenēdig.*


Jems 3: 17

**Negu ī anī madur bagai,**  
*faimud ereb madur bagai anī age  
fedig.*

Hibru 1: 8-9

← **Negur ī anī  
wau laa fiya.**

1 Jon 4: 8, 16  
Filipai 2: 3-8



# Ada Kosēya bun Negur ado Wogō Taudig

1.




Negur yana  
yaleseya  
(vs. 9)

2.



Taka nigin kosēya  
(vs. 10)

3.



Ereb taka yaleya  
nigin to fiya  
(vs. 11)

4.



Wau faleiya ado  
mosor nigin weder  
tu keleya  
(vs. 12)


5.



Negur  
yana  
yaleseya  
(vs. 13)

# Naab, Negur Ada Wogō Fadaf Anī

1.

**Baibel**

2 Timoti 3: 16-17

2.

Ait  
namenem  
wō yef,  
ereb wau  
bun wō yef  
anī

Aposel 8: 29


3.

Momoiya biya  
anidi neid kisi biya  
anī umirēgouf



Aposel 8: 34-35

4.

**Ereb ereb wowā yef**

1 Korin 16: 8-9

5.

Ereb ada to tailedig  
anī wowā yedif

Aposel 5: 19-20

Aposel 10: 9-16

6.

Namen wau  
inosiya

Jon 14: 27

Filipai 4: 6-7



**Ada eneidi de es tafouf bagai:**

**Aposel 17: 11**

# Negur Í Kisi Ado Fen, Gariya Ado Fen, Ada Kare Fadan


**Ada Negur nē  
MALAKANON bun  
kare fadan:**

Jems 3: 9

- 1. Kisi**  
Filipai 1: 9
- 2. Oroya**  
Filipai 1: 10
- 3. Wau**  
Filipai 4: 4,7



**3. Wau**



**2. Oroya**

**1. Kisi**


**Ere  
nigin  
Negur  
ada  
kare  
fadan?**

Galesia 3: 26-29

Aposel 4: 32-33

Kolosi 1: 3-4


Efesus 2: 10



**Tamo  
kayau  
are  
Negur  
mala  
bun  
odug  
bagai**

*Are ada, Negur ado tunī geid uyu kū fiya  
biya bagai bun tabodōf nigin.*

# Negur nē Wau Laa Fiya nē Lo



Eksoda 20: 1-17

Matyu 5: 21-22, 27-28, 43-44

Rom 13: 8-10

Matyu 5: 17

Galesia 5: 18

**Negur nē lo, ada Negur nē oroya  
kilei bagai naig ta mata tabodōf  
nigin irokanadaf**

# Ai anī Satan, ere anī yogon naab?

Í Negurem kare fiyen: Esekiel 28:14-15, 17

- Satan í sain enei nē waitou: 2 Korin 4: 4
- Í daū fedivouf ado sosoin fedivouf nigin imirek: 1 Pita 5: 8



1 Pita 5: 8 “Ã aug nigin biya kulatun ubodōg fen, lo walagauf.  
Ã genei kiwai, Satan í laion ninirā ye fen, taka yakasiyouf nigin  
mumul katī fedig gen, age fedig.”




Satan nē naab  
taka are kumī  
ifenēya anī.





“Negur ada kumī nē uur to  
ifanadan, anī ere, megeir nē, wau  
laa fiya nē ado, ada dug kulatun  
fiya nē uur ifanadan.”

2 Timoti 1: 7



**Satan ī  
idegēya nē  
tama.**

**Jon 8: 44**



**Satan ī yogo  
lalan nē engel  
gen nawa  
yaledig:**

**2 Korin 11:14**

# Mosor nē Daū Fediya


**1.** 1 Pita 2:11



*Tamo bouwa nē oroya: noli tobonunā, naan, saaf yōya nigin tobonunā to biya*


*Mala ile oroya: safina, moni, ereb ereb safina nigin mala ile oroya*

**2.**



1 Timoti 6:9-10

**3.** Ereb ī ado, ereb ī age gef nigin yogo yana yaleseya – megeir ado



1 Jon 2:15-16



**4.**



*Kumi*




1 Pita 5:8

**5.** Ibor ado mou tar atun fara fiya



Revelesen 12:10  
Job 1:9-12

**6.**



Mak 3:24-25  
*Momoiya tamo kayau atun fara fiya*

# Tamo nē Wau Anī Ereb Ereb Age Fiya Ganan nē Gariya

Faat biya

Mak 7: 17-23  
Luk 6: 43-45




Ogon mata  
ibodōya nē odug  
are Negur

Negur tamo nē wau iledig,  
dogo neid mayarē to iledig.

Luk 16: 14-15

Faat sane




Ogon mata  
ibodōya nē odug  
ulum iroukonōya  
are ogo

Enei are  
mosor nē  
wau

**“Ereb sane age fediya ganan namenem ise fen,  
tamo amuyē ifenēdig.” Mak 7: 23**


**Ein ada mosor  
bouwa nē  
tobonunā tailef  
Galesia 5: 19-21**

**2 Korin 4:4**



# Satan neda lau fiya bun kisi fiya ifanada fen, daū fadauf nigin orodig.

Rom 1: 21-23, 29-31





# Ada ganan mosor nigin darau yaleya nē.

Rom 3: 9-11

Rom 3: 21-26

Jon 3: 16-18



## Mosor nē daū fiya nē kaū:

*mosor inon nigin wau morō,  
tobonunā sane,  
idegēya waitou yana yaleseyā,  
idegēya kosēya,  
abob kiwai ifenēya, kusīya,  
kiyeī inoya, seyeyā,  
aya dogol yeyā,  
name nameya, aai naanueiya*


*Galesia 5: 19-21  
Asaia 5: 1-4, 7*

2 Korin 5: 21

1 Pita 2: 24

Galesia 3: 13

Rom 11: 22



*Ada kisi tafedig, are  
neda waudan mosor  
naal bagai ado. Are  
momoi sā bagai.*

**“Wau anī idegēya bun  
tamal ereb ereb ganan  
wal fiya, madur fiya kisi  
feleya sā. Aim anī keleī  
youf?”**


**Jeremaia 17: 9**




**Negur wau mata ado uur  
mata ifanadaya kisi feleya:**

*Aya wau mata afenei ken, ā  
nameī uur mata anouf; Aya ā  
bun tamal meein nē wauī alel  
fen, bouwa nē wau afeneīf.*

**Esekiel 36: 26**






**Matyu 27: 26-30; 35-44**

**Jon 10: 17-18**


# **Naig Tafe Fen, Ada Kel Yaleya bun Negur nē Wau Ifenēya Tailef?**



**2 Korin 5: 21  
Galesia 3: 13  
2 Pita 3: 9  
Rom 2: 4**

# Jesus...

# ada geid modoū falei fen



# Ere Anī Kel Yaleya?

## Wau Faleiya

Taka nē wau be kisi gariya anī  
falei fiya

**1.**




Ada neda  
bouwa tubu  
bun laa fadaf

Efesus 4: 20-24  
Matyu 3: 1-2, 7-8

Efesus 2: 8-9  
2 Korin 5: 15  
Rom 6: 22-23


**Momoiya**  
Ogon uur nē mata  
ibodōya anī  
Kristus bun inoya

**2.**



Jesus anī ogon  
mata ibodōya  
nē King uno  
fen, Ī dō wouf  
nigin waū  
utenēf

**3.** Neda mosor yalele  
di, ada wauda  
karētut ifanadaf



Revelesen 1: 5  
Rom 8: 1  
Efesus 4: 22-24

**4.** Ada Negur nē  
ibor bun inodan



Jesus ada geid  
tabodōf nigin isi  
fen, Yogon Awa  
Uur Fateul  
ifanadaf.  
Jon 14: 16-18, 23

Galesia 4: 4-6  
Galesia 4: 7  
Galesia 2: 20

Ada, Awa Uur  
Fateul nē megeir  
bunem Jesus dō  
fiya bun, toku  
mata tabodōdig.  
Galesia 5: 16

# Ere Anī Kristen Tamo Nē Urīs?

1 Jon — Eig fediya bunem, amā Negur geid uyu kū fiya malef anī keleīdig

**1**

1 Jon 1:6-7

**2**

1 Jon 2:3-6

**8**



1 Jon 5:4-5



**3**

1 Jon 2:9-11

**7**

1 Jon 3:10




Ereb madur bagai anī age fef  
Awa Uur nē kurō fesiya

**6**

1 Jon 4:13


1 Jon 2:15-17

**4**



**5**

1 Jon 2:24




1 Jon 5:13



## **GUGUM**

Jon 8: 44  
Matyu 4: 5-7  
2 Korin 11: 14



## **LALAN**

Kolosi 1: 13  
1 Jon 4: 4  
1 Pita 5: 8-9

Uyu irouya: **Satan**

Gariya: **idegēya**

Tobonunā: **yogo nigin oroya**

Kaū: **fonou leya ado daū fiya**

Uyu irouya: **Negur**

Gariya: **momoī yeya**

Tobonunā: **Negur ado taka nigin wau laa fiya**  
Kaū: **wau kulīya ado wau inosiya**

# Naig tafe fen, neda uur nē kiwai ado kusī tauf?

## Efesus 6: 10-18

**Kosēya ado  
to fiya  
ganan bun,  
sain ganan  
Awa Uur  
bun kosē  
gouf.**

**Siot kapa:**  
madur bagai  
  
**Lū:**  
momoi yeya



**Hat kapa:** kel yaleya

**Makanam:**  
momoiya –  
Jesus Ī āgenei  
mata ibodōya  
nē Odug, ī dō  
gouf nigin kisi  
utenēgouf

**Awa Uur  
nē Dimig:**  
Negur nē Od


**Ye:**  
maror nē Biya Od  
wogōya nigin  
dodok fiya

“Negur nē kusī nē saki ganan waleg, naki weleg fen,  
Satan nē kisi, fe fiyēya nigin, sā megeir ufaragauf.”

Efesus 6: 11

# Ere Nigin Ada Fateul Wō Tauf Bagai?

## Anī nē gariya: Negur bun firen foif ifareya



**Hibru 10: 14**

**Hibru 10: 17-24**

**Hibru 10: 25-29**

**Sain ada momoi tauf, ada  
Negur nē gere tar wō tau fen,  
Kristus nē fateul ifanadaf.**



**Anī ere, ada Kristus gen wō  
tauf nigineg irokanadaf: enei  
are fateul wōya nē naab, are  
uur nigin atīya wōya nē naab.**

## Fateul Nigin Fateul Uru Dibodok

### **Game nē Ibodōya**

Kel yaleya sain bun, Kristus  
bun neda ifareya




**Efesus 1: 13-14**

**2 Korin 1: 21-22**

### **Biya Fiya nē Naab**


Ada Kristus bun atīya wō tauf  
kilei, biya fef



Ada atīya wō tauf kilei, Kristus gen wō tauf

**Efesus 4: 22-24**

# Naig Tafe Fen, Ada Mosor Nē Tobonunā Daū Tafouf?




## 1 Korin 9: 24-27

Õ ogo nigin ogo tai wiyeñ; Baibel keleñ  
yaleya, kosëya, sios bun uub yaleya.  
Age fediya, õ ogon Odug ado Kel  
Yaleya Tamo keleña nigin disennōf  
anī agouf.



## Galesia 5:16

Awa Uur bunem ubodōgouf, ago  
gouf are, ã bouwa nē oroya to dō  
gouf.



## Filipai 4: 8-9


Ereb momoi anī, ereb biya anī, ereb  
madur anī, ereb karētut anī, ereb  
wau laa fiya nē anī, ereb yana  
iseleya nē anī, ereb taka biya bagai  
fen, yana iseleya nē bagai anī – ereb  
ereb age fiya nigin kisi gouf...



## 2 Timoti 2: 22

Oosi nē bouwa oroya sane so wiyeñ,  
ago fen, madur bagai ibodōya,  
momoiya, wau laa fiya ado, wau  
inosiya anī dōg...

# Naig Tafe Fen, Ada Mosor Nē Tobonunā Daū Narī Tafouf?




**Sam 119: 11**

Aya õ bun mosor to anouf nigin,  
ogon od neu wau bun anokon.



**Proverb 4: 14-15**

Tamo sesen nē naab bun to uyōf...  
anī bun tamal dudum wo fen, ogon  
naab dō wouf.



**Jesus Ō aa wain gariya, ada were.  
Ada Ō tatornēf are, ada ereb taka  
age fiya tafouf nigin kisi feleya sā:  
Jon 15: 5,8**

**“Aya āgenei Temeī di, ā nau kesu  
tar, nau barai tar ouf, Odug saa  
ilun nē kusī tamo guri feid uyu  
iroudig anī irok. Ā neu oboiyou,  
ada Negur age afouf yen od enei  
ado nigin, ada dug ereb ereb  
ganan bouwa ado uur amuyē  
ifenēdig anī lilik tafe fen, Negur  
anini fiyēya bunem fateul bagai  
wō tauf.” 2 Korin 6: 18-7: 1**

# *Dirikeĩ anĩ, seyeya, anĩ nẽ gariya fau ibodok bunem isif*

**Efesus 4: 31-32**

**Efesus 4: 17**

**Efesus 4: 26-27**


(Taka ĩ ō bun kũ fenẽya  
inon)

**Dirikeĩ anĩ, neda  
uyu kũ fiya  
ganan daũ fediya  
kisi feleya (taka ĩ  
nigin ada seye  
tauf anĩ dogol  
sã), agef fen,  
neda wau kuliya  
yaleledig.**



# Mosor Nigin Weder Tu Keleya Are Ada Bun Ibodok

Kū fenēya tak  
ō bun inof



Matyu 18: 21

Namen dirikeī  
wōya

Mayarē  
darau solof  
ifenēya

Daū fiya:  
uyu kū fiya,  
yogo


Ani nigin  
baban to  
kisi wouf

Mosor nigin  
weder tu kaluf,  
anī ere, tamo  
kū fenen anī  
madur wouf

Karika  
ibodōva



# Ere Nigin Ada Taka Nẽ Mosor Nigin Wederada Tu Kalauf Bagai?



Kolosi 3: 12-17  
Matyu 18: 21-35

**King anī, kabī tamo nẽ wareg K10 milion lai fesin.**

---



2 Korin 5: 16-20  
Filipai 2: 14-16a  
Galesia 5: 13-15



**Anī ere, kabī tamo anī K10 nẽ wareg to lai fesin**

# Ibor nē Uyu Kū Fiya anim Negur Ī naig fiya anī ifelnēdiyouf bagai.

Tamo, Kristus sios nigin wau laa fen gen, aiweī tar nigin wauī laa fouf. *Efesus 5:25*  
 Kayau, ã aiweī tar farumen ubodōgouf. *Efesus 5:22*



Kesu tar idi, fō bun Negur nē wau laa fiya momoi bagai dilef bunem, anī nē keleī dalouf bagai. *2 Timoti 1: 5*



**Tenebur nē tama tar idi,  
naig dife fen, dogo neid  
gereid tar nigin waud laa  
fouf anī keleif nigin, Negur  
nē tobonunā dō difouf bagai.**

Tama, ã gereneī tar to waud saneya wenēdigouf, ago gouf, idi agogon de fen, waud to al fouf. *Kolosi 3: 21*

# Sina Tama Neid Kabī Sigis

1.


Sina tama  
atun wau laa fiya  
anim, Negur naig  
fiya gere tar nigin  
wau laa gef ya anī,  
gereid tar  
ifelnēdiyouf.

*Ibor anī,  
Kristus ado  
sios neid  
malakanon.*



2.

Ereb ereb  
ganan agouf  
bun, tobonunā  
biya agouf.



3.


Ogon ibor  
nigin Negur  
tamo  
yana  
nē wau  
laa nē  
uris wō  
youf  
bagai.

Ogon ibor  
nigin Negur  
yana  
yaleseyā nē  
tobonunā  
agouf



5.

Ogon balē  
kulatun wouf.



*Ogon od kaū sā to unouf.*


Ogon gerē tar nigin  
waū laa fouf.

4.



Ogon gerē tar,  
Negur ado  
Yogon Od  
nigin momoi  
douf nigin  
kabī walouf.

6.



Baibel uwes fen, kisi wouf anī ufelnēdiyouf.  
Saaf sain bun, tutur kosē gouf.  
Baibel nenerī ogon gerē tar bun uwes fen,  
urokenēdiyouf.  
Sain unogen kilei, abob nigin kosē gouf.  
Ogon gerē tar neid waud ado tobonunā tai  
fiya nigin, kabī totol walouf.


# Biya Od Wogōya Nigin Dodok Fiya Ado Wogōya

## 2 Timoti 2: 2

### Vers anī nigin keleī walouf

To fiya aiwa adodo:

1. Kisi odug – vers ganan bun, ere anī kisi odug?
2. Negur – vers enī, Negur (Dei, Naal ado, Awa Uur Fateul) nigin, ada bun ere yef?
3. Ifelnēya – vers enī, ere weder irouya od, ere promis od be, ere ifelnēya wogō yef?
4. Ó ado aya – vers enī, ere ada age tafouf nigin irokanadaf?



### Wogōya nē tuwa unouf

1. Gariya inoya
2. Kisi odudug anī suma bun unouf (2-5)
3. Kisi mugu mugu nigin malakanon unouf
4. Od idīya ado, mata ibodōya bun kabī ifenēya

### Gariya inoya

1. Namba wan nē kisi  
- malakanon
2. Namba tu nē kisi  
- malakanon
3. Namba tri nē kisi  
- malakanon

### Od idīya

Ã, teneub ganan bun, tamo  
kayau ganan bun uleg fen, neu  
dõ fiya tar unenÃdigouf. Agog  
fen, od aya ã arokenein anÃ  
ganan dõ difouf nigin  
ufelnÃdigouf.

*Matyu 28: 19-20*



*Matyu 7: 24-27*

**“Anī bure fele di, aya lo afen, aya wageun an guru fiya mala odug bagai, taka nem iwesleya kisi feleya sā, idi teneub ganan bun, ibor ganan bun, tamo kayau ganan bun ado, od fire fire ganan bun temeleid, idi king nē sia wagen ado Sipsip Naal wagen difaren.”**

## **Revelesen 7 : 9**

